



通雅卷之二十三

桐山方以智密之輯著

同里姚文燮經三較訂

官制

文職

三名。公卿大夫也。○周禮疏引易通卦驗云。天地成位。君臣道
生。君有五期輔有三名。注公卿大夫也。政教君臣。起自人皇之
世。至伏羲因之。故文耀鉤曰。伏羲作易。名官者也。

黃帝有五官九工。少皞五正。唐虞有六官九官。○史記黃帝建
大五行。于是有天地神祇物類之官。是謂五官。管子呂覽皆言
黃帝五官以正人佐。文選王融策文。九工闢于黃序。注黃帝也。



雲官有五人。有同德四人。合爲九。少皞五正。見于蔡墨之說。五行正也。通典堯置天地四時之官爲六卿。舜爲六官以正天地四時。說苑曰堯時舜爲司徒。契爲司馬。禹爲司空。稷爲田疇。夔爲樂正。倭爲工師。伯夷爲秩宗。皋陶爲大理。益掌毆禽。爲九職。劉向傳舜命九官。濟濟相讓。注禹司空。棄后稷。契司徒。咎繇士。垂共工。益虞伯夷秩宗。夔典樂。龍納言。周禮疏曰堯舜官號稍改。其時官名蓋曰稷曰司徒。是天官稷也。地官司徒也。又云命羲和仲叔。使分主四方。注仲叔亦羲和之子。堯旣分陰陽四時。

雲官有五人。有同德四人。合爲九。少皞五正。見于蔡墨之說。五行正也。通典堯置天地四時之官爲六卿。舜爲六官以正天地四時。說苑曰堯時舜爲司徒。契爲司馬。禹爲司空。稷爲田疇。夔爲樂正。倭爲工師。伯夷爲秩宗。皋陶爲大理。益掌毆禽。爲九職。劉向傳舜命九官。濟濟相讓。注禹司空。棄后稷。契司徒。咎繇士。垂共工。益虞伯夷秩宗。夔典樂。龍納言。周禮疏曰堯舜官號稍改。其時官名蓋曰稷曰司徒。是天官稷也。地官司徒也。又云命羲和仲叔。使分主四方。注仲叔亦羲和之子。堯旣分陰陽四時。又命四子爲之官。掌四時者字曰仲叔。則掌天地者其曰伯乎。是有六官。分命仲叔。注云官名。蓋春爲秩宗。夏爲司馬。秋爲士。

之官。唐虞百揆四岳。象天之有五行也。孔穎達周官疏曰百揆一人四岳內典四時之政。四人也。孔平仲則謂四岳爲一官。俱是縣擬。曲禮曰天子建天官。先六大。次五官。注此蓋殷時制。呂氏曰殷人尊神。卽堯命羲和。舜齊七政。洪範首五行之意也。其實唐三代皆有六官。皆有九卿。考工記疏六官之記可見者。堯育重黎之後。羲和及其和叔四子。掌天地四時。夏書乃召六卿。商周稍改職名。六官之數則同。通典曰夏制九卿。殷因亦如之。三少。六官也。智嘗論六宗之名。與二賢之說。以爲凡數五卽有六。五爲生數之終。六爲成數之始。從一至十。五六固天地之中數也。如五禮卽有六樂。五音卽有六律。五運卽有六氣。皆自然

之理。東曰青龍。南曰朱雀。西曰白虎。北曰玄菟。玄菟者龜與蛇也。木曰勾芒。火曰祝融。土曰后土。金曰蓐收。水曰玄冥。玄冥則少皞之二子。曰修曰熙也。人身一心一肺一肝一脾。而腎有二。六宮貴神則土有二。六氣則火有二。蓋土爲終。水爲始。而水火相交。水土相成也。龍馬言曰六官之名。冢大也。宰制也。司徒徒眾也。宗伯禮以宗爲先。司馬兵以馬爲先。司寇寇所常防治也。司空之空爲何物乎。堯制司空之官。以寵禹卽宰相也。漢三公以司空配之。猶古意也。商以太宰爲前列。周并列而重其權。蓋冢宰兼相職。而司空寔相佐也。以五行言之。地官爲土。天一生水。則天與水。猶二水也。然則司空篇亡。非亡也。本無職掌。以宰

相時兼之耳。此說甚奇。故存之以備論。

漢有官簿有儀品。魏晉有品令。唐有格令。宋有班簿。有具員。○安帝詔舉刺史長令相清白。敕身率下者。無拘官簿。注謂不拘常牒也。後百官志曰。班固著百官表。職分未悉。故依其官簿。粗注職分。以爲百官志。注曰。百官簿。劉昭補志序所云。百官就乎故簿是也。應邵有漢官儀。隋志王隆作漢官解詁。胡廣注。樊長孫與劉千秋書曰。張平子次述漢事。莫能大。顧見汲令王文山小學漢官篇。足知舊制儀品。荀攸撰魏官儀。徐宣瑜晉官品。晉志又載魏晉官品令。後魏志曰。晉品令有正無從。唐開元刊定職次。著爲格令。宋開寶詔除授京官。依朝官例降勅。御史臺班

簿。十日一上中書。太宗閱班簿。釋近臣舉官。慶曆中。中丞張方平言。臣在翰林。見天聖中具員。元豐六年。李清臣爲備選具員十冊。此如今之御覽冊也。按表少府若盧注引漢品令。則漢先有品令之書矣。唐寔錄宣宗命宰相作具員御覽。

中臺尚書省。東臺門下省。西臺中書省也。○中臺亦稱都臺。始于漢成。置尚書。至後漢而權重。唐龍朔改曰中臺。都堂居中。左右分司。都堂東有吏戶禮部三行。西有兵刑工部三行。每行四司。凡二十四司。中書舊有其官。魏晉始謂之中書省。北魏曰西臺。龍朔亦然。光宅曰鳳閣。開元曰紫薇。自黃初置監。晉因之。又置舍人。齊通事舍人四員。各住一省。曰四戶。權傾天下。晉孝武

來常居內殿。以省官一人司詔誥。佐在西省。因曰西省郎。唐中書舍人爲文士之極任。門下省。後漢謂之侍中寺。晉志曰給事黃門侍郎郎中。俱管門下眾務。龍朔改曰東臺。光宅曰鸞臺。開元曰黃門省。給事中加官也。隋置吏部給事郎。煬帝移爲門下之職。又有七諫議屬門下。煬帝廢之。唐太宗復置四人。貞觀于門下省置起居郎二人。卽起居注也。相沿皆謂之三省。曰臺者別稱也。謝靈運晉書曰。漢尚書爲中臺。御史爲憲臺。謁者爲外臺。曰三臺。蔡邕以待御史轉持書御史遷尚書。三日之間。周歷三臺。其曰八座者。六典曰後漢以令僕射六曹尚書爲八座。今以二丞相六尚書爲八座。唐不置令也。宋齊有二臺。五省謂尚

書中書門下秘書集書省。元豐制門下中書。增建後省。置諫官。筆塵曰。霍山錄尚書。有上書言其罪者。山屏不奏其書。後上書者盡奏封事。輒使中書令出取。不關尚書。可見尚書是士人。中書則宦官也。及江左至唐。乃以中書尚書列爲兩省。中書傳命。尚書受而行之。則尚書外庭吏也。唐之設翰林學士于禁中。專掌制命。而中書亦少疎矣。及元設中書省。而以尚書隸之。則中書外廷臣也。今之內閣。則漢之尚書令。唐之中書省。而司禮中官。則漢之中書令也。漢制大將軍佐三公下。及竇憲伐比國。還佐次太傅。在三公之上。自是東漢官制太傅第一。太將軍次之。太尉次之。司徒故丞相也。又次之。司空故御史大夫也。又次之。

西漢有三府。丞相御史大夫大將軍也。其後增二將軍。謂之五府。東漢有五府。太傅太尉司徒司空大將軍也。西漢所謂三公者。丞相太尉御史大夫而已。其後以大將軍代太尉。而以大司馬號冠之。然猶一官耳。東漢承元成之舊。以司徒代丞相。司空代御史大夫。司馬代太尉。爲三公。而大將軍佐三公之上。與司馬爲二官矣。曹操爲丞相。佐三公上。而丞相與司徒亦爲二官矣。東漢之末。以太傅總百揆爲首相。太尉次之。司徒次之。司空次之。而大將軍號。或在太傅之下。太尉之上。有五公矣。晉初以太師太保司徒司空爲文官公。而以左右光祿大夫開府者爲從公。大司馬大將軍太尉爲武臣公。而以驃騎車騎開府者爲從公。有八公矣。已而齊王固之徒。又自爲丞相。不在八公之數。則又冗矣。智按江左自劉宋以後。宰相無常員。惟人主所與議論政事。委以機務者。不論銜之大小。皆真相也。陳後政事并由中書。有舍人五人。分掌二十一局。各當尚書諸曹。竝爲上司。尚書聽受而已。荀勗以爲鳳凰池。卽其端矣。此中書之重也。北朝惟重門下。三公尚書。非帶侍中銜。不得聞政。此門下之重也。唐則竝重。已而遞重。已而重中書云。

內錄錄尚書事也。○桓温固讓內錄。是也。人稱會稽王道子爲東錄。世子元顯爲西錄。東第可設雀羅。言朝在西。元顯執權也。今詹府有錄事小官也。然亦因其名。孔叢子桓子新論。皆以大

通雅
卷之二十三
六
江止齋
麓爲大錄。

晉以後之侍中乃宰相。非秦漢之侍中也。○秦侍中本丞相史也。五人往來殿內東箱奏事。謂之侍中。漢爲加官。分掌乘輿服物。文帝以孔安國儒者。掌御唾壺。朝廷榮之。表曰侍中。左右曹諸史散騎中常侍。皆加官。侍中中常侍得入禁中。諸曹受尚書事。諸史得舉法。散騎騎竝乘輿車。給事中亦加官。志曰屬少府。比二千石。周禮太僕。千寶注曰若漢侍中。西漢侍中有嚴朱東方。吾丘蘇。歐陽地餘。王商師丹諸人。班穉爲黃門郎中常侍。朱穆曰中常侍故事。參選士人。建武以後。悉用宦者矣。晉志曰黃帝時風后爲侍中。周爲常伯。伯之任。秦漢無定員。後漢曰侍中寺。卽門下省也。冠武弁大冠。加金璫。附蟬爲文。貂尾爲飾。三省旣大。則侍中爲門下省之長官。給事黃門侍郎。散騎常侍。俱屬門下。稱曰黃散。唐初因隋爲納言。後屢更改。總之自晉以後。門下省長官卽宰相也。

漢有丞相府。唐宋有政事堂。非今之東閣也。○鄧通詣丞相府。鷓雀飛丞相府。是也。唐志曰三省長官。議事于門下省。政事堂。後裴炎自侍中遷中書令。乃徙政事堂于中書省。開元十一季。張說爲相。又改政事堂。號中書門下。列五房于後。神宗史志。中書門下在朝堂。西榜曰中書。爲宰相政事之所。又有中書省。門下省者。存其名。列皇城外。中書省但掌冊文覆奏考帳。門下省

通雅 卷之二十三 江山此莊軒
主乘輿八寶朝會仗版。流外考校而已。中書令侍中不任職。元豐官制行。悉釐正之。乃廢中書門下省之在皇城外者。併朝堂西之中書堂。爲門下中書兩省。以左右僕射兼門下中書侍郎。又以兩侍郎副之。神宗曰。中書省揆而議之。門下省審而覆之。尚書省承而行之。哲宗大呂公著言。唐太宗以三省長官共議。從之。建炎三季。始合三省爲一。按今之東閣。則學士之房耳。故無文移可行。

太府。漢丞相府也。○以張湯甯成掾。以湯爲無害。言大府調茂陵尉。注師古曰。大府。丞相府也。趙禹爲丞相史。周亞夫曰。文深不可以居大府。蔡質漢儀曰。司徒府與蒼龍闕對。厭于尊者。不敢號府。應邵曰。不然。丞相舊佐在長安時。府有四出門。隨時聽事。明帝欲依之。迫于太尉司空。但爲東西門耳。荀綽晉官表注曰。漢丞相府門無闌。不設鈴。不警鼓。深大廣遠。無節限也。

唐宋政事堂。皆在朝堂之西。○唐門下省爲政事堂。裴炎移入中書省。政事堂有北門。過中書舍人院咨訪。至常袞乃塞之。李華有中書政事堂記。言裴炎之非。李庾賤曰。西則月華重啓。銀臺內向。中書在焉。周密宰相舊記。廣德二季。令射生自光範門送郭子儀。注大明宮含元殿。西爲光範門。韓愈上宰相書。伏光範門外。是可推也。宋官志曰。中書在朝堂西。是爲政事堂。宋中書門下并列于外。又別置中書于禁中。爲政事堂。與樞密院對。

掌大政。乾德二年置參知。止令就宣徽廳上事。

宰相有平章參知。同三品之名。唐也。○尚書令侍中中書令爲宰相。不輕授人。常以他官假以他名。貞觀八年李靖辭位。三兩日一至中書門下平章事。平章事起此。蕭瑀以太子太保。李勣以詹事。同中書門下三品。同三品起此。然二品不專用。高宗以後爲相者。必加同三品。而張文瓘以東臺侍郎同東西臺三品。同三品入銜。自文瓘始。永淳元年以郭待舉等。同承受進止平章事。平章事入銜。自待舉等始。通典曰侍中中書令爲真相。尚書令。則太宗曾爲之。郭子儀懇辭是也。其以他官參掌者。但加同三品及平章事。知政事。參知機務。參與政事之名。并爲宰相。卽漢韓安國張湯爲御史大夫。行丞相事之例也。蓋高宗以郭待舉岑長倩郭一正魏玄同爲相。以其資任尚淺。未可與諸相同名。且令預政事。與中書門下同受進止平章事。此時雖不設尚書令。而左右僕射。卽爲真相。同三品者次之。同平章事又次之。至宋時遂以同平章事爲正相。而以參知政事爲次相。然則宋之參知政事。卽唐同平章也。元以丞相居平章事之上。則猶唐始大平章之意也。宋之丞相。卽參政也。元乃以參政居左右丞之下。

中書樞密。宋之兩府。然考漢唐之始名。皆宦官也。○漢之中書令。本宦官也。至江左而爲宰相。唐之樞密使。本宦官也。至五代

時以樞密使爲內輔臣。宰相爲外輔臣。而樞密之權重于宰相。如宰相兼樞密。則得專大政。如罷樞密之權。但爲宰相。其任反輕。亦如唐之左右僕射也。蓋郭崇韜之于莊宗。安重誨之于明宗。然皆以佐命元功。入爲樞密。刑賞黜陟。無不由之。其勢然也。後晉太祖懲其橫肆。遂廢樞密。以印付中書。而宰相之任始專矣。唐初樞密之設。蓋于政事堂後列五房。有樞密房。設以主曹務。乃宰相文書之所也。宣宗以後。始設東西樞密兩院。以宦者爲使。而樞密之任歸之。其權與宰相等矣。唐莊宗卽位。以豆盧革盧程同平章事。郭崇韜張居翰爲樞密使。始以外官爲之。而樞密之任。親于宰相。以其與聞省密也。有宋建國。因五代之舊。

以中書爲相。樞密爲將。謂之兩府。而宰相之權重于樞密矣。唐末兩樞密使。及左右中尉。柄事禁中。與宰相表裡。號爲中貴。亦稱內大臣。樞密卽今之司禮。中尉卽今之東廠也。唐金吾衛屬南衙。卽今之錦衣。羽林衛屬北衙。卽今之東廠。李輔國欲選羽林騎士五百。以備巡邏。蓋欲以北牙禁旅。侵南牙之職。故宰相李揆悉奏止之。輔國又署察士數十人。潛令于人閒聽察細事。有所追索。諸司無敢拒者。兪朝恩專權。亦于北軍置獄。使坊市惡少。季羅告富室。沒其家資。則成化崇禎間之西廠矣。儀同三司。同三公之三司也。○東漢太尉司徒司空。謂之三司。鄧騭爲車騎將軍。儀同三司。自是南北因之。有儀同三司之名。

矣。唐又以鹽鉄度支戶部爲三司。天祐三季。以朱全忠爲鹽鉄度支戶部三司都制置。其名始于此。三司使名。始于後唐張延朗。玄宗時楊國忠至兼領數十使。然未立此名也。唐志凡寃而無告者。三司詰之。此謂御史大夫中書門下爲三司。太子監國。則詹事庶子爲三司。

古小而今大者。尚書侍郎也。古大而今小者。檢校提舉也。○漢成置尚書官小。侍郎則郎中滿三歲者。後權日重。遂爲公卿。晉有檢校御史。唐嘗加檢校尚書。宋治平二季。中丞賈黯請皇子及宗室卑屬。除檢校三師官。熙寧遣使提領轉運。有提舉常平司。又畧都大提舉。麟臺故事。舊有提舉官。政和七季。置提舉秘

書省。又有提舉太史局。又有提舉宮觀之名。今則檢校提舉。皆爲小職。僕射秦官。其職最小。後漸爲宰相。漢有司隸校尉。城門校尉。八校尉。戊巳校尉。而今爲錦衣衛之班役。

今之省中。專指給事。古之六部郎。皆省中也。○給諫原屬門下省。今六科封駁。猶其遺也。尚書省向謂之中臺。劉宋設在建禮門內。曰內臺。北齊曰都省。曰北省。唐神龍定爲尚書省。都堂居中。左右分司。都堂之東。有吏戶禮部。西有兵刑工部。故稱吏部曰東曹。兵部曰西曹。通典曰吏兵部爲前行。戶刑爲中行。禮工爲後行。給事本加官。劉向爲郎中給事黃門。六百石秩。孔放李息卓茂皆爲之。所謂暮對青鎖門拜之夕郎也。

漢之諸郎非盡尚書郎也。○漢官云尚書郎初從三署郎選詣尚書臺試每一郎缺則試五人先試箋奏初入臺稱尚書郎中滿歲稱尚書郎三歲稱侍郎田蚡少爲諸曹郎是尚書郎馮唐爲郎中署長直不疑盜同舍郎金顏駟爲郎楊雄爲侍郎及諸言以貴爲郎父任爲郎皆三署郎也曰外郎者散郎也中郎者省中郎也呂氏曰三署五官左右也續志議郎六百石以文屬光祿勳通典曰尚書郎西漢置四人光武分六曹并左右丞爲三十六人更直五日于建禮門內入直官供青縑白綾被或以錦綉爲之奏事明光殿含雞舌香與黃門侍郎對揖侍郎稱已聞乃出丞郎月賜赤管大筆陰糜墨固已寵矣。

依鳥郎府也。○晉志郎佐十五星在太微帝座東北一曰依鳥郎府也周之元士漢官之光祿中散諫議議郎郎中是其職也後人解依鳥謂爲後宸樂府射鳥辭言明帝東巡有鳥鳴乘輿虎賁郎射中之遂令亭壁皆畫鳥此附會也漢書作哀鳥古時哀有依音詳見天文。

五花六押非今之舍人也。○唐故事中書有軍國政事則中書舍人各執所見襍署其名謂之五花判事李泌曰給舍分司押事故舍人謂之六押蓋晉以後之舍人卽漢尚書郎魏置中書通事舍人梁去通事字隋改內史舍人唐武德改中書舍人又稱西臺鳳閣紫薇舍人元豐官制行遂以中書舍人判後省之

事。今則內閣舍人爲宰相承行。與兩殿舍人皆非正途。惟中書科之舍人。准考選。然非昔之任矣。

唐以舍人季父者爲閣老。非今所稱閣老也。○故事舍人季父者。呼爲閣老。宰相相呼爲堂老。胡邦衡除龍圖閣學士。周益公賀詩。有龍圖僂爲黃閣老之句。

學士古史之遺。而任遇殊矣。○周官有左右史。蓋今起居之本。漢或有禁中起居注。後漢馬后撰明帝起居注。則起居似女史之任。其後則近侍之臣記錄也。歷代有其職而無其官。後魏始置起居令。學士重于唐。而亦昉于後魏。文帝招文儒之士。置崇文館。貞觀中崇文館有學士。直學士。員不常置也。蓋自漢制侍

中爲侍從之選。出入禁闈。掌直承明。潤色典誥。謀議政事。已曠近矣。而禮遇猶未尊嚴也。魏改秘書令爲中書令。監等官。掌贊誥命。記會時事。典作文書。而晉之舍人擬爲鳳池。可謂權要。然所司猶冗也。至有翰林。則爲樞機宥密之地。而業是官者。清華極矣。唐初設弘文館。中宗用上官昭容之言。置學士四人。象四時。直學士八人。象八節。學士十二人。象十二時。遊幸禁苑。無不畢從。大學士之名起此。至宋時卽以爲宰相。兼其官矣。蕭梁有壽光殿學士之號。殿學之名始此。筆塵曰。李肇翰林志曰。唐翰林院在銀臺門內。開元二十六季。別建學士院。德宗移于金鑾坡。會要曰。翰林院在銀臺門內。麟德殿西廂重廊之後。學士院

在禁中。凡十廳。南廳五間。北廳五間。中隔花甃。承旨居北廳。第一間。其任最重。第三間曰槐廳。相傳居此必相。中書門下二省。皆供奉外官。隨朝士入見。謂之內供奉。隨翰林院班者。謂之翰林供奉。卽今之兩殿兩房。皆翰林供奉之遺法也。唐自中宗以後。學士之權。重于宰相。如陸贄之在奉天。鄭綱之在貞元。裴洎。李絳。在元和之初。皆以帷幄密謀。沒軍國大計。用人行政。惟所獻替。及其爲相。寵遇反不若焉。卽有所建白。視在北門。亦若少減地之親疎不同也。漢所謂不任三公。政歸臺閣如此。元大德七年。郭守敬以先朝舊德。累請謝事不許。自是凡翰林太史官。不得致仕。遂著爲令。彼所謂畫林者。兼有書畫供設之流。所謂

太史者。卽今之欽天監官。非詞林也。今之詞林。則兼古之宮僚。禮官。中書。秘書。學士。舍人。著作郎。起居郎。螭頭珥筆之任矣。宰相以本學士而加官。故無印。止有文淵閣印。以封進御覽。此外卽支俸。皆借翰林院印。故于翰林院堂上設公座。視相公幾位。則幾座。故曰中堂。智謂今時宰相。無其官。而有其權地。其權之漸重。正似唐之學士。而但論機務。不論官。正似江左。遼北面有大林牙院。掌文翰。曰北面都林牙。南面有翰林都林牙。林牙亦通名。如將作監都林牙。太僕有羣牧林牙。

詹事。春坊。本宮僚也。○詹事秦官。掌皇后太子家。成帝省之。并于大長秋。長信詹事。更名長信少府。又改長樂少府。又有將行

者。應邵曰。皇后卿也。景帝更名大長秋。或用士。或用中人。後魏有太子左右詹事。唐置詹事府。宋東宮有詹事少詹。但品俱正六。今制則詹事正三。少詹正四也。左右春坊。蓋沿北齊。及隋有門下坊。唐龍朔改門下坊爲左春坊。左庶子爲左中護。改隋典書坊爲右春坊。右庶子爲右中護。左右諭德。唐置以擬散騎常侍。貞觀改中書舍人爲中允。龍朔改贊善。今並存其名。司經局自晉以來有之。梁之典經局。唐之桂坊也。皆以洗馬領之。元有太子司經。其曰校書正字。昉于劉宋。至北齊有太子校書郎。隋司經局置正字二人。由唐宋以後宮僚可謂多矣。近日則以翰林兼充之。侍讀侍講。則始于開元三季。命馬懷素。褚無量。夏曰侍讀。遂置此名。而宋仍之。漢有太子家令寺。十率府衛。太子率更令。太子僕。今皆省。但有舍人。每正旦東宮于文華門之左門。設坐受朝賀。則舍人及東宮鹵簿衛士。皆選良家子爲之。非官也。十率府率更之率。胡三省音所律反者是。升菴弱侯音律者非。

秘書著作。史館前代分之。今則皆詞林事也。○拾遺記黃帝有四史。宋衷世本曰。沮誦倉頡爲左右史。呂覽淮南皆言夏太史終古。殷太史向摯。周有五史。侯國亦置。如蘇墨。屠黍。倚相。廖虢是也。秦有太史令。漢或始置。談遷爲之。宣帝以其官爲令。行太史公文書。修撰之職。以他官領。于是太史之官。惟知占候而已。

王莽改置柱下五史。後漢至隋。惟魏明太史中。史職隸中書。其餘多隸秘書。唐武德因隋屬秘書省。著作局。貞觀移史館于門下省。宰相監修。李元紘奏罷史職。其修撰史事以他官兼領。宋以宰相監修。修撰直館。檢討無常員。修撰以朝官充。直館檢討。以京官以上充。掌修日曆及典修圖籍之事。凡國史。別置院于宣徽北院之東。以藏之。謂之編修院。天聖修真宗史。宰相提舉。編修官以三館秘閣校理以下及京官充。事畢即停。麟臺故事曰。實錄院提舉如國史。從官爲修撰。餘官爲校討。修撰之名。始于唐張昌齡爲北門修撰。孫逖爲集賢修撰。蔡京分修撰爲三等。直閣爲六等。此皆謂之貼職。漢圖籍所在。有石渠石室延閣。

廣內貯之于外府。又有中丞居殿中。掌蘭臺秘省。及麒麟天祿二閣。藏之于內禁。後漢圖書在東觀。桓帝始置秘書監一人。屬太常。晉或併入中書省。惠帝復別置。自是秘書之省。始居于外。東晉元康四季除著作佐郎。著作西觀。撰晉書。隋秘書省領著作太史二曹。龍朔改蘭臺太史。天授改麟閣。神龍復舊。其後國史太史。分爲別曹。而秘書但主書寫校勘矣。宋建崇文館。招文院。端拱初建秘閣。其實秘書郎校書郎著作郎。正今之史館也。劉向校書。楊雄典校。已有其任。而未設官名。馬融爲秘書郎。詣東觀典校書。蔡邕拜郎。校書東觀。是卽校書郎也。魏明帝太和。中始置著作郎官。隸中書省。掌國史。後又置佐郎。劉劭爲秘書

郎出乘鹿車。王肅表論秘書丞郎乘鹿車。此魏制也。唐龍朔爲司文郎中。咸亨復舊。宋初爲寄祿官。元豐定名始有職掌。修纂日曆祭祀祝詞。則著作郎佐之。職略曰初除林希爲大著。豐稷爲小著是也。其刊寫分貯集賢院。史館昭文館秘閣。則秘書郎主之。高承以侍讀起于明皇。吳曾引陶弘景爲侍讀起于梁。漢有講郎。侍講之所自也。○章帝詔高才生。雖不大學官。然皆擢高第爲講郎。張輔子蕃以郎侍講。趙典拜議郎。侍議禁內。此其端矣。

病坊言其閒也。○類要曰唐以秘書監望雖清雅而實非要劇。以監爲宰相病坊。丞及著作郎爲尚書郎病坊。秘書郎及著作佐郎爲監察御史病坊。

大蓬言其仙也。○鄭氏談綺曰。秘書監曰大蓬。後漢鄧章傳。時稱東觀爲老氏藏室。道家蓬萊山。王元長曲水序。記言事于仙室。調藏室也。

視草起艸也。○淮南王安傳。上報書及賜令相如等視草。尚書郎主作文書起艸。沈括筆談曰。學士院有視草臺。每草制則具衣冠據臺而坐。唐有視草亭。唐太宗屬文遣上官儀視草。詩人號上官體。李德裕傳。安邑里第有起草院。

兩制者翰林學士爲內制。中書舍人爲外制。○李之儀姑溪集。答吳子陽書曰。唐開元末。以翰林供奉爲學士。入院一歲遷知

制誥。不作文書。但備顧問。參侍行幸而已。廷班隨本官。若侍宴則座次宰相下。故學士號內相。其知制誥。謂之內制。用白麻寫。從內降。付外廷宣讀。中書舍人。是宰相屬官。其知制誥。謂之外制。押案遇有所命。則申之以詞。而行下者也。今官制行。此等合改正。智按此書。則當時亦未改正矣。後晉天福五年。詔翰林學士院。公事直并歸中書舍人。自是舍人晝直者。當中書制。夜直者當內制。至齊王開運元年。復詔翰林學士。與中書舍人爲兩制。各置六員。唐永徽中。命學士一人待制。宋景德置龍圖閣待制。天聖有天章閣待制。治平有寶文閣待制。楊徽之等兩制皆預。故事。學士二員分直。有大除拜過二制。上則並召二員。謂之

雙宣。又曰雙日鎖院。隻日降麻。故亦謂之雙鎖。能改齊漫錄曰。或后謂員半千。宜留待制。此其始也。漢但名待詔。所任亦遠。神鈴。鈴索也。○蘇續志。唐學士院深嚴。人不可入。中夜宣事。必先動鈴索。長慶中河北用兵。鈴夜作聲。鳴急則兵事急。鳴緩則兵事緩。李德裕詩曰。銀華懸院榜。風撼引繩鈴。

摘文堂。卽玉堂之署也。○元城語錄。太宗飛白書玉堂之署四字。玉堂殿名。疑或帝所造。李尋傳曰。久汗玉堂之署。宋英宗曾撤去。吳草廬秘笈云。元豐中有學士。乞摘去下二字。榜院門。詔可。是乞以殿名名其署也。續會要云。徽宗政和五年。御書摘文堂。榜學士院。有花磚道。在北廳前堦。日影及五磚。爲入直之候。

李程嬾故號八磚。

假龍老龍大小龍皆龍圖之稱也。○方勺曰舊制直龍圖閣謂之假龍。待制謂之小龍。直學士謂之大龍。學士謂之老龍。總呼龍圖。葉夢得曰亦稱龍閣龍學。又曰吏部尚書補外則除龍圖。五曹則除樞密直學士相呼謂之密學。

得周官六典之遺意者。今日之六卿也。○石齋黃公曰莽倣古矣。然義和司農納言合爲一官。秦倣古矣。然冢宰司徒司伯係之三公。斯豈古乎。魏道或取雲鳥之號。唐則天取鸞鳳之名。皆泥古而不通于今。前代亦有六部。然屬于省中。唐戶部無版圖。兵部無戎帳。虞水不管山川。金倉不司錢穀。而職名虛設。宋旣

有吏部。又有審官院。旣有刑部。又有審刑院。旣有兵部。又有樞密院。旣有工部。又有三司使。而分散不一。誠不若近制遠矣。隱史曰黃公以周禮二千餘季。僅見行于今日。愚獨嘆者缺第一事也。一者何。奄寺不統于冢宰。雖有鉄牌。甯能不徹乎。鄭端簡曰析一相而六。此其初意。詎知學士加官之爲真相邪。周官冢宰之權固重矣。然自舜禹以來。司空卽爲冢相。智別有論。周官大體是。而文字不必盡信。誠如朱子論其內外相維之善。誠如鄭節卿所論。而瑣屑不必相倣。則誠如馬貴與所論矣。宋鄭伯謙字節卿。作太平經國書。發明周禮。徐九一重刻之。又按古時命官六卿有人。公孤之人不別見。是知公孤卽六卿而大之。猶

今六部加師保也。

省眼。天官也。○選司亦謂之南曹。亦謂左曹。司勳亦謂勳府。亦謂右闈。劉禹錫為韋陟神道碑云。是曹在南宮為眉目。在選士為司命。鶴廳。考功廳也。唐考功員外廳事。有薛稷画鶴。故云。今吏部有古藤。或稱藤軒。

版部。地官也。○亦稱民部。魏有嚴部郎中。唐司徒四屬。曰戶部。曰度支。曰金部。曰倉部。唐張博濟為戶部郎中。部有考堂。天下歲會計處。司金亦稱司珍。司倉亦稱司庾。司儲。唐戶部侍郎有二員。判使按者別一署。謂之左戶。

容臺。春官也。○唐虞曰秩宗。商容為商禮官。故稱容臺。漢郡國有容史。舊說禮部郎中。掌省中文翰。謂之南宮舍人。杜牧頃求小儀。小秋不遂。鄭谷寄同季詩。小儀澄澹轉中儀。故今以為禮部司務之稱。石林燕語禮部郎中。元豐官制行。謂之各表郎。郎官別有印。曰各表郎印。春明退朝錄云。禮部員外為瑞錦窠。因話錄云。祠部呼冰廳。言其清冷也。冰去聲。

五兵。夏官。謂中兵外兵騎兵別兵都兵也。○魏始置五兵尚書。晉太康又置七兵尚書。以中外兵加分左右也。

都官。秋官也。○漢成帝置三公曹主獄。亦曰賊曹。劉宋三公比部皆主法。又置都官尚書主軍刑獄。領都官水部庫部功論四曹。開皇始改刑部。唐因之。天寶改為憲部。亦曰西臺。亦曰白雲。

司

起部冬官也。○共工冬官。漢魏領于民曹。自晉迄陳。有所營作。權置起部尚書。役竣則省。隋始置工部尚書。唐因之。領工部屯部虞部水部四曹。屯田一曰司田。

通雅卷之二十四

桐山方以智密之輯著

同里姚文燮經三較訂

官制 文職

臺主。憲長也。○秦御史大夫。佐上卿。漢仍之。選郡守相高第為之。任職者為丞相。復置兩丞。一曰御史丞。一曰中丞。成帝更名大司空。元魏踵此。而中丞出外為臺主。更名御史長史。魏初改中丞為宮正。晉歷南北朝。並不置大夫。以中丞為臺主。唐因隋設大夫一丞二。後改為司憲。不久復故。宋仍唐而無大夫。以中丞為臺長。今則猶西漢也。中丞至六朝。鹵簿出入千步。絳騶清

道與皇太子分道王公遜避嘗曰避中丞赤棒唐制大夫中丞
午後三刻出迴避宰相如午前出宰相迴避大中大夫節卿曰
丞相猶太宰御史大夫猶小宰御史之中丞少府之尚書猶宰
夫大長秋猶內宰而屬少府自成帝時中丞始不得居中制事
而光武政歸臺閣不任三公此周官之大體所必不可復也按
漢表成帝省詹事并屬大長秋而少府下言諸僕射署長中黃
門皆屬。

持書御史卽治書也。○嚴延平傳注天子欲有拜詔持書御史
發符下太尉。通典曰中丞舊持書侍御史也。胡廣曰宣帝齋居
浚事令侍御二人治書。魏置治書執法。隋先于相府置察非掾。

後改爲治書侍御史。唐爲中丞。漢表在殿中蘭臺掌圖籍外督
舉劾。建武中特詔與司隸校尉尚書令三司各專席而坐曰三
獨坐。梁重其選給三騶執盛印青囊。後魏北齊曰南臺或曰南
司。唐御史臺門北闕取陰殺也。宋天禧時置言事御史六員。元
豐復六察以御史專領。漢御史乘屬者天子出御史除二人爲
乘曹護車馬。成紀御史乘屬在廟傍是也。御史裡行始自馬周
以布衣令于監御史裏行遂有此名。會要曰始于龍朔用王大
本爲之。

南床雜端也。○通典言侍御史職有四謂推彈公廨雜事知雜
事者謂雜端最爲雄劇。食坐之南設橫榻謂之南床。或曰卽轉

南省。此如今掌河南道京畿道也。裏行蓋如今之試御史也。今稱御史爲烏臺。以朱博傳御史府中列柏木。常有野烏數千也。于文定泥顏氏家訓。以爲烏誤作烏。智按唐宋來皆用烏府。考漢書原作烏字。或顏別見一本邪。

三院臺院殿院察院也。○御史在周爲柱後史。秦爲侍御史。監理諸郡。亦謂監察御史。漢罷監察之名。魏置掌八部蘭臺二人。居殿中。側陞而坐。晉復置檢校御史。隋改檢校爲監察。唐仍隋而置三院。一曰臺院。侍御史隸焉。號臺端。二曰殿院。殿中侍御史隸焉。號副端。三曰察院。監察御史隸焉。號分察。三院幾二十員。而內供奉裡行。各如正員之半。宋仍唐三院。以知雜爲侍御

言事。而殿中侍御六察爲監察。近時十三道。不分三院。內糾外按。人人可以言事。然初爲試。歷三差後爲道長。亦其遺意也。

六察。察六事。又察六部也。○監察御史第一人。察吏禮部。第二人。察兵工部。第三人。察戶刑部。唐百官志又載察六事。一察官善惡。二察戶口帳籍賦役。三察農桑倉廩。四察賊猾私蠹。五察德行才能。六察黠吏豪宗。其察六部。乃興元元季事也。元和四季。以新人不出使。無以觀能否。乃令顯察尚書省。號六察官。

唐之獻納院。宋之檢院。古納言也。○唐虞納言。以出納帝命。故今以通政司爲古之納言。周官內史。掌敘事之法。受納訪以詔王所治。蓋其職也。秦漢以來。統于三省。門下省侍中。黃門侍郎。

掌出納帝命。中書省掌制詔宣傳。尚書省令丞掌通章奏。北周
保定改侍中爲納言。唐因之。又改侍中。又改左相。掌獻替贊相
禮儀。審覆奏抄。垂拱置匭。以諫議充知匭使。中丞爲理匭使。天
寶九載。改爲獻納使。宋雍熙改匭爲檢。景德改登聞檢院。命直
學士張詠判。又有鼓院。凡文武臣寮。閣門無例通進文字。并先
經鼓院。未經鼓院者。檢院不得收接。周禮達窮者與遽令。鄭司
農云。窮寃擊此鼓以達于上。則敢諫之鼓。此其遺矣。匭使屬諫
議大夫。卽屬門下省。則猶納言屬也。宋又有通進司銀臺司。掌
受天下章奏。進御院進奏院。掌受勅。及百司符牒。故今稱通政
司爲銀臺。宋朝通進銀臺司。舊隸樞密院。凡內外奏覆文字。必
關二司。然後進御。樞密學士向敏中。請別置局。淳化四年。以宣
徽北院聽事。爲通進銀臺司。命敏中及張詠同知二司事。發敕
司。舊錄中書。尋命銀臺司兼領之。又以給事中封駁隸通進銀
臺司。由此觀之。通進銀臺。其職在禁中。或如今之會極門。收本
之文書也。明德元年。文德殿兩廊門。賜名左右嘉福。又東西上
閣門內。正南門曰左右長慶。北曰左右嘉肅。次北門曰左右銀
臺。學士翰林院在其內。李肇記學士出銀臺乘馬是也。

大棘。廷尉也。○有虞曰士。夏曰大理。周爲司寇。秦制廷尉。漢景
更各大理。成帝復名廷尉。哀復各大理。後漢復名廷尉。蓋漢無
司寇。故廷尉爲重。有正監及平。謂廷尉三官。隋名大理寺。唐宋

因之。宋有大理獄官左斷刑。右治獄。分左右廳。廳各五案。鄭氏綺談云大理曰大棘。晏公類要云棘司。近日既有刑部。又設大理寺。與都察院稱三法司。有大獄。則公斷之。

漢以後之九寺棘卿。非三代之九卿也。○夏商九卿。周六官與三少。周禮朝士掌外朝之法。左九棘。孤卿大夫。佐焉。六卿。三孤也。漢襲秦。自丞相御史大夫外。有正卿九。太常光祿勳衛尉太僕廷尉鴻臚宗正大司農少府。亦曰九寺大卿。又至十二卿。有執金吾。大長秋。將作大匠。魏晉宋齊如舊。梁置十二卿。北齊九寺。唐亦因之。皆曰棘卿。宋設九卿。皆以爲命官之品秩。而無職事。元豐正名。始有職掌。中興以來。併省冗職。除太常寺大理寺不罷外。宗正以太常兼。而衛尉并工部。太僕併駕部。太府司農併戶部。光祿鴻臚并禮部。紹興復置太尉司農。餘遂廢。廢之是也。今制以六部都通大爲九卿。此外則太常太僕光祿鴻臚尚寶而已。

三珪之伏。謂三卿皆執珪也。○楚昭王迎屠羊說。以三珪之伏藻衣花綬。卿服也。○漢官儀曰衣裳。卿大夫藻衣。又曰綬青地桃花。

尚書裏行。太常也。○秦爲奉常。景帝六年改爲太常。漢官解詁曰太常爲九卿之首。職略曰太常在六曹之下。與尚書丞郎同次。謂之尚書裡行。屬有大樂令。大予。雅樂郎。大祝。太宰。今用大

史令大卜令醫令大官令。

漢有宗伯。乃宗正卿。非禮部也。○漢平元始五年詔曰。宗室自太上皇以來。族親各以世民郡國置宗師以糾之。致教訓焉。二千石選有德義者。以為宗師。考察不從教令。有寃失職者。宗師得因郵亭書言宗伯。請以聞。晉灼曰。宗伯。宗正也。近時宗人府以勛戚領之。周語曰。仲山甫曰。古者司民協孤終。司商協名姓。注司商。掌賜族受姓之官。此即宗正之職矣。

今之光祿寺。非昔光祿勳。漢之光祿勳。乃秦之郎中令也。○秦郎中令。掌宮殿掖門戶。漢更名光祿勳。解詁曰。勳之言闇也。此解不通。北齊曰。光祿寺兼掌膳食帳幕。唐龍朔改司宰。光宅改

司膳。自此與光祿勳絕。特襲其名耳。宋仍唐。元豐官制。屬有大官令。上林司。而自宋及元。復有宣徽院。客省使。亦掌燕饗饗餼。前代初置宣徽院。後改光祿寺。與古懸遠。而進階有光祿大夫。猶古遺意也。漢光祿勳屬有諫議大夫。中郎三將。郎中三將。騎郎將。羽林令。監。奉車都尉。騎都尉。謁者。光祿郎。表。有中大夫。太初改光祿大夫。

大農令。秦之治粟內史也。○漢因秦置。景帝更名大農令。成帝更名大司農。掌錢穀貨幣。以當時無戶部也。屬有太倉令。均輸令。平準令。都內令。藉田令。導官令。幹官。廩犧令。騷粟都尉。市長。導官。主春御米。及作乾糲。詳下條幹官。幹鹽鐵也。

秦漢之少府。猶周之玉府內府也。○掌山海池澤之稅。名曰禁錢。志曰掌中服御寶貨珍膳。屬有符節令。大官令。尚食五尚。太官。獻丞。湯官令丞。樂府令。若盧令。莊戈令。織室令。黃門令。給事中。鈎盾令。尚方令。御府令。掖庭令。守宮令。上林令。凡太醫大官。守宮上林四官。屬少府。自侍中至御史。皆以文屬焉。宋中興。裁司農少府併于戶部。極是。惜又復之耳。

秦漢之衛府。周之宮正也。○掌宮門衛屯兵。實宮正之職。而秦郎中令亦掌宮殿掖門。元或曰亦宮正也。錦衣衛攷略。以爲郎中令似錦衣之職。此特謂羽林屬之耳。漢表自有中尉。太初更名執金吾。掌循徼京師。有緹騎二百人。然今錦衣衛司朝內衛。

簿護衛。則正兼衛尉之任矣。而唐之內宦主軍如神策軍使。正中尉也。古今之官名相倣。而職掌不同。安能強定而合之乎。衛尉屬有公車令。大誰長。衛士令。衛司馬。衛候。旅賁令。

執御前驅。猶古太僕之遺意也。○周禮有太僕下大夫。掌正王之服。仗出入。王之大命。王出入。則自左馭而前驅。周穆置太僕正。以伯冏爲之。秦特襲其名耳。漢太僕領五監六廄。王莽改太御。後漢復名太僕。天子每出。奏駕上。鹵簿用大駕。則執御。魏因之。晉宋不嘗置。郊祀則權置執轡。事畢則省。唐領乘黃典廄典牧車府等四署。天下監牧置八使。宋初輿馬之政。分隸郡牧騏驥院。太僕但掌天子五輅屬車耳。今之太僕。則竟管馬政矣。漢

太僕屬有騎馬令。未央廄令。考工令。車府令。牧師。苑令。

漢之鴻臚。秦之典客。周官之大行人也。○周官有行人。掌大賓客之禮。象胥掌蠻夷閩貉之國使。秦有典客。掌諸侯及歸義蠻夷。卽是官也。漢名鴻臚。應邵曰。鴻聲也。臚。傳也。屬官有行人。譯官。別火。三令丞。及郡邸長丞。凡事之尊重者。遣大鴻臚。而輕賤者。遣行人也。景帝改名大行人令。成帝更名大鴻臚。秦有典屬國。成帝併入大鴻臚。隋開皇廢之。入太常。尋復置。唐曾改司文司賓。皆復舊。領典客司儀二署。宋南渡併入禮部。近代鴻臚卿。專爲臚贊之官。士夫不歷此官。惟南都之鴻臚卿。爲大老。廻翔之地耳。周行人司聘問。春秋列國皆有之。風俗通曰。周秦以八月遣輜軒之使。采異代方言。皆定也。菀文志曰。縱橫家者流。蓋出于行人之官。秦漢以後。奉使者不名行人。如巡行之博士。直指之繡衣。觀風之八使。按察之六條。其職尊。其事重矣。今日之行人司。正古行人職也。

漢之謁者。今鴻臚之職也。○僕射爲謁者臺。率常侍謁者五人。謁者三十人。初爲灌謁者。滿歲爲給事謁者。表曰。掌賓讚受事。智以爲正。鴻臚鳴贊之事也。而漢鴻臚屬國之職。則今有提督四蠻館。屬之太常少卿。

舌人。譯官也。○周語使舌人體委與之。注舌人能達異方之志。象胥之官也。周禮大行。七歲屬象胥。諭言語。司農云。象胥。譯官。

也。漢志象來致福。注象。譯也。漢表典屬國屬官有九譯令。

符璽令。合典瑞掌節之職也。○春官有典瑞。北官有掌節。漢因秦置符璽令。佐次御史中丞。別爲一臺。晉併蘭臺置符節御史。齊置主璽令。史。隋有符璽局。置監。屬門下省。煬帝改爲郎。唐因之。宋元仍置符寶郎。屬門下殿中。此時爲尚寶司。

大均。祭酒也。○胡廣曰。凡祭酒者。賓得主饌。老者舉酒祭地。言爲長也。大均。卽成均也。虞命典樂教胄子。周禮有師保。成王時。彤伯入爲祭酒。戰國荀卿爲祭酒。漢吳王濞。年老爲劉氏祭酒。祭酒之名久矣。漢置博士祭酒一人。晉太國子學。宋太始置總明觀。祭酒一人。有四科。齊梁。號爲國師。北齊曰國子寺。隋置太

學。大業改爲國子監。有祭酒。司業。丞。主簿。錄事。博士。助教。唐龍朔改爲司成館。天寶置廣文館。宋置判監事。元豐始名祭酒司業。南渡併歸禮部。近日設之。專以詞林升轉。

將作少府。周官之匠人也。○景帝更秦之將作少府曰大匠。光武省以謁者領之。章帝復置。隋改監匠爲大令。唐復爲匠。宋建炎併歸工部。紹興復置。

節度開府。賜旌節者也。○唐初道有將一人曰大總管。已更名大都督。太宗時行軍曰總管。在其本道曰大都督。高宗永徽都督帶使持節者。始謂之節度使。然猶未以名官。通典曰。自景雲二季始。以賀拔延嗣爲涼州都督。充河西節度使。通鑑綱目景

雲元季冬。以薛納爲幽州經略節度大使。節度之名自此始。考孫權初置節度官。使典掌軍糧。漢順帝時。或都太守趙冲。平羌有功。詔冲督河西四郡兵。爲節度。節度之義起此。質帝時。以滕撫中郎將。都督揚州軍事。都督之義起此。唐高宗儀鳳元季。遣大臣分道巡撫。以宰相來恒爲河南道大使。薛元超爲河北道大使。左丞崔知悌。司業鄭祖玄。爲江南道大使。後又謂之存撫。于文定曰。此巡撫所由起也。智謂各義已起于後漢。事任已起于魏。隋通鑑與實錄。皆載或德元季。淮安王神通。爲山東道安撫大使。山東諸軍。並受節度。會要載或德中。唐儉爲并州道安撫大使。李靖爲嶺南撫慰大使。鄭善果爲山東招撫大使。又後

魏太和中。廣陵王羽。持節安撫六鎮。酈道元慰撫關右。隋楊素爲河北安撫大使。豈必以存撫之名。爲近于巡撫哉。其實自黃帝以四監舜以五長。周以十連。秦漢而後。名稱雜出。漢文遣丞相出刺。光武置部刺史。察州。宣帝置都護。加官。魏文置都督。軍事。或領刺史。晉或置大都統。後周改總管。此後廢大都督府。置大後臺。卽節度也。貞觀別置經略。又遣人使巡省。則有巡察安撫。存撫諸名。元和置宣撫宣慰。大中置招討。要之使名雖多。而主其事任者。道止一人而已。加官有大小。大至使相。其曰開府一也。嗣是有以邊陲開府以總制者。卽古制置總管都督節度宣撫等也。有開府以巡撫者。卽古安撫等使。而專省提封。亦有

都督節度之權。特官次于總督。猶之魏晉大都督爲上。次有監將軍。督諸軍使持節。與假節。隋有大都督。師都督。都督也。時有宰相經略開府者。卽古大都統。招討使相也。有以鹽法屯田漕儲河渠開府以總理者。卽古總領經制度支營田之任也。開府之名。昉于魏黃權。以車騎將軍開府。儀同三司是也。唐初遣御史按察十道。卽今之巡按。大二十四府都督。卽今之巡撫。已復停止。改爲五十四道採訪使。以刺史領之。又一變也。宋宣撫甚重。卽今總制也。鄭剛中爲宣撫副使。大將吳璘官至少師。請講釣敵之禮。剛中曰。少師雖尊。猶都統制耳。倘變常禮。是廢軍容。璘乃惶恐聽命。曾見邊帥于帥府。猶此禮也。元用御史臺言各路按察。歲二月分巡。按治。十月還司。此乃各省設行臺。行臺御史。其體輕也。近代巡方。歲更。與漢時遣刺史法同。唐宋以來未行也。近日壞天下者。巡方。此官在得人。豈官制不善乎。智對德政殿。謂用兵之地。撤監軍。並撤巡方。以其掣督撫肘也。

今以方伯稱藩司。廉使稱臬司。謂其近似也。○何或曰。刺史古之方伯。上所委任。一州表率也。其實漢刺史秩卑于太守。非古方伯之位也。今遂以刺史事比藩臬。漢遣刺史。一歲而更。有似乎今之巡方。而繡衣乃閒遣者也。今兩司則外官矣。觀察提舉。大約相似。自唐置巡察使。開元置採訪處置使。其有戎旅之地。卽爲節度使。宋有轉運使。又有提舉。是唐之州縣。不過一使臨

之。而宋則有帥漕憲倉四司。故州縣極難承奉。蓋節度主兵觀
察主民。然節度多兼之。各道雖有度支營田招討等使。然亦多
兼。使名雖多。而主其事者一人而已。宋則監司各有建臺之所。
元設行中書省。故官爲多。明亦因之。改承宣布政按察之名。余
常笑兩府一道。而有巡方。則監司亦大知府耳。絕非有古刺史
之權也。吳曾曰。徐邈與范甯書曰。擇公方之人。以爲監司。監司
名見此。

京部置尹。古今所同也。○秦京師爲內史。景帝分左右。成帝更
右名京兆尹。左名左馮翊。秦有主爵中尉。景帝更名都尉。成帝
更名扶風。是爲三輔。治長安城中。尹一人。丞二人。後漢置河南

尹。三輔不改號。但減秩耳。又以左馮翊。右扶風。屬司隸校尉。尋
省。魏晉因之。江左爲丹陽尹。北魏曰代尹。東魏曰魏尹。北齊清
都尹。北周及隋復爲京兆尹。唐京兆本雍州置牧。親王領之。別
駕貳牧。永徽改長史。開元改京兆尹。少尹二人。魏晉有治中。隋
改司馬。煬改贊治。後改爲丞。五代有開封尹。宋置權知府。以待
詔。以上充。蔡京乞罷之。置牧尹各一。牧以皇子領。尹以文官充。
崇寧中定京畿四府。明制南北兩京尹丞。皆與京堂一例。治中
而下。以他流充之。唐判司有雙曹。徐抗當德宗時奏省之。

古今州郡之名異。刺史太守之任亦異。○春秋時縣大而郡小。
左傳曰。上大夫受縣。下大夫受郡。周書作雒篇曰。千里百縣。縣

有四郡。戰國時郡大而縣小。古茂謂秦成王曰。宜陽縣大名曰縣。其寔郡也。漢有郡國。皆統于州。然州乃部之名。或十二。或九。後漢分十四部。至南北朝。天下有餘州。而郡猶屬焉。隋廢郡存州。州卽郡也。煬帝又改。唐又羅郡置州。宋元以來。設府于州。府卽州也。明制以州屬府。則分爲二矣。此郡國州縣名實之辨也。智以爲古州縣之名。亦有同時同名。而實不同者。作雜篇亦未可據也。別有論。秦罷侯置守。漢景帝中元二年。更名太守。郡爲諸侯王國者。置內史。成帝省內史。以相治民如太守。或以尚書令僕射出爲郡守。鍾離意黃香桓榮胡廣是也。或自郡守入爲三公。虞延第五倫桓虞鮑昱是也。汲黯以諸侯相秩居淮陽。馮野王爲大鴻臚。以秩出爲上。郡太守。此秩尊于守也。京房守魏郡。以八百石居。黃霸守潁川。以比二千石居官。後歸潁川故官。以八百石居郡。此秩卑于守也。晉郡守皆加將軍。後魏初郡置三太守。北齊制郡九等。隋如之。至開皇罷郡。以州統縣。大業又改郡。唐武德改州。改太守爲刺史。加號持節。後加號爲使。持節諸軍事。而實無。但頒銅魚符而已。天寶初改州爲郡。自是州郡史守。更相爲名。其實一也。垂拱閒諸州都督刺史。准京官帶魚。長安中以臺閣省寺。分典大州。于是鳳閣侍郎韋嗣立。御史大夫楊再思。二十人以本官檢校刺史。後有兵鎮刺史。皆加團練使。五伐仍刺史之號。宋召諸鎮于京師。賜第留之。分命朝臣出

守列郡。號權知軍州事。與後文或官。參爲知州軍事。及帶中書樞密院宣徽使職事。稱判太守。亦稱知府。張文定方平。權知開封府。張忠定詠知益州。曰爾輩得好知府矣。元置上路。遼魯花赤。上路總管。兼府尹。正三品。又有下路上州中州下州。至五品而止。近時知府。上有監司撫按。戶工刑三部郎爲之。間有臺臣。奉例轉知府。以爲大辱。權輕極矣。今人用太守事。猶可借。若用刺史。稱今之知州。則相去殊遠。秦有郡丞。漢因之。設治中別駕從事。晉省丞。隋改別駕。治中爲長史。司馬。煬帝罷之。置通守。又置贊治。代通守下。唐廢丞。改別駕。已復爲長史。宋制諸州通判。詔知府公事。并須長史通判。賧議聯書。方許行下。又考唐天寶後。有判官之名。後漢長興間。詔有兩使判官。防團推官。于時判官多本州自辟舉。清泰中。始擇朝士爲之。宋兩使置判官推官。餘州亦置判推二官。元止置司馬焉。司理參軍。則因五代以來。諸州皆有馬步獄。以牙校充馬步都虞侯。掌刑法。謂之馬步院。宋開寶始置諸州司寇參軍。進士及選人爲之。後改爲司理。掌訟獄勘鞫之事。不兼他職。是亦唐之司法參軍也。今日特重司理耳。

卽拜。就其所任拜授也。○成帝卽拜班伯定襄守。哀帝卽拜龔舍爲泰山守。文帝就加魏尚。亦卽拜也。舊云卽拜者。使道之官。其曰策拜者。初除之官。大行奏策。如蕭昱爲南郡太守。入殿受

策是也。

秦漢以來。縣分二等。北齊分九等。隋復古分令長。唐六等。宋三等。其曰畿赤者。京縣與畿內也。○鄭珣瑜傳貞元初。詔擇十省。郎治畿赤。唐縣有赤畿望。上中下六等。赤畿爲一等也。一作七等。京都所治爲赤縣。旁邑爲畿縣。明代初縣亦分三等。上縣命從六品。中正七。下從七。已定命並七品。今選亦分大小。而京縣反無甲科。按周有縣正。秦制縣萬戶以上爲令。減萬戶爲長。漢因之。綏和初長相墨綬。建平閒復黃綬。晉制不經宰縣不得入爲臺郎。後魏縣置三令長。北齊制縣爲九等。唐分六等。宋建隆初諸縣除赤畿外。有望繫上中下五等。始以朝臣爲知縣。乾

德初詔京官知縣。以三季爲任。于文定曰。宋大縣四千元以上。選朝官知。小縣三千元以下。選京官知。故知縣與縣令異。縣令卽古長吏之職。知縣則以京朝官之銜。知其縣事。非外吏也。朝官京官亦自有別。朝臣知縣。自大理正奚與等始。元縣各有塗。魯花亦掌縣印。以知縣爲縣尹。掌判縣事。而丞也尉也主簿也。皆古有之。元之呼赤者。言正掌職事也。凡官皆有赤。紹興中詔將作監丞簿等任滿。已改官。來歷民事者。各與堂除知縣一次。并借緋章服。尋詔吏部自後縣。差文臣。又詔非兩任縣令。不除監察御史。乾德詔京官知縣。以三季爲任。今則進士初選爲之。攷選與中行評博。皆以四季四月爲期。榆墩集曰。唐虞之諸侯

不世及。而受黜陟于朝。政與後世守令同。特名異耳。周成王曰。唐虞建官惟百。內有百揆四岳。外有州牧侯伯。故知唐虞諸侯。皆天子之官也。觀于虞夏分州。而知郡縣非秦始也。

鈴閣。鈴下閣中也。○鈴閣之下。侍衛不過十數人。三省曰鈴。鈴下閣。閣中。官有鈴下。威儀之名是也。今人皆似以轅門郡閣之類視之。誤矣。管輅爲安平太守。王基言。烏與燕鬪者。老鈴下之妖。盧充見鈴下唱客前。

日官。周日正也。○程本曰。召子元而訓之曰。昔吾之宗君。爲周日正。周公定鼎郊廓。修和周郊。吾宗君薦其所以爲祥者。曰井田之璞。大山之噐車。唐叔異畎之禾。始有蒲壁以朝。作程典。令其顯庸。書在故府。左傳桓十七年。天子有日官。諸侯有日御。日官居卿。以底日。注謂典歷數者。張衡再轉復爲太史令。曰曩滯日官。今又原之。史記有日者傳。因日官主日。故善卜者以爲名。陳涉世家。周文視日。謂能擇日也。

疇官。世習以爲官也。○如淳曰。律季二十三。傳之疇官。各從其父疇學之。史歷書。疇人子弟分散。乃習天文者。如淳曰。家業世世相傳爲疇。智按漢儀注。民二十三爲正。爲衛士材官。曰疇官。猶言常規官法也。管子曰。人與人相疇。家與家相疇。言習爲常也。後山以爲籌人。言籌算也。弱侯曰。疇。輩也。與亮采惠疇之疇同。

計相。主計也。○北平侯張蒼為計相。注如淳曰計相官名。主計會。

掌故。掌故事也。○晁錯見寬匡衡皆為之。應邵曰掌故六百石。主故事。屬太常。而表與志不載。漢官儀。太史有掌故三十人。房鳳射策乙科。為太史掌故。又有文學掌故。

稗官。小官也。○藝文志。小說家出于稗官。如淳曰王者欲知閭巷風俗。故大稗官。使稱說之。師古曰稗音穉。稗之稗。小官也。漢名臣奏。唐林請省署吏。公卿大夫至都官。稗官減什二。

三工官。謂考工室。右工室。東園匠也。○見貢禹傳。師古注皆屬少府。谷永傳有工服官。續志。邵有鹽官。鐵官。工官。都水官。元紀罷齊三服官。地理志。南海郡有圃羞官。交趾羸陵有羞官。嚴道有木官。胸忍。象復。有橘官。丹陽銅官。桂陽金官。唐六典注。漢將作屬有甄官。親蠶有蠶官。此表志多遺者。或云唐虞有受折。以

所事名。亦工官也。

鼎官。鼎士也。○東方朔傳。夏育為鼎官。注今殿前主鼎者。鄒陽書。全趙之時。或力鼎士。鹽鐵論。戲車鼎躍。咸出補吏。正謂舉鼎之士也。

靜室令。即請室令也。○續志。光祿勳有請室令。車駕出在前。請所幸。賈生造請室。注亦引此言。此官有別獄。史記作清室。後漢張禹表曰。王者止則交戟。清道而後行。清室而後御。文紀注。應

邵曰。遣靜室令。令先案行清靜殿中。以虞非常。楊秉傳警蹕而行。靜室而止。注靜室。謂先使清宮也。前書音義曰。靜室令。漢有之。由此論之。必有一訛。在前請所幸之說。乃傳會矣。

大與。主爵祿之官也。○闕氏侯馮解散。以代大與降漢。師古曰。大與。主爵祿之官。

遊徼。鄉之游行徼。循督察者也。○有被殺傷者。亭長與游徼相參雜診之。十里一亭。亭有樓。候望。鄉嗇夫治之。游徼。卽嗇夫之所統也。徼。工鈞切。凡邊疆通稱徼。王宮之邊亦爲徼道。游徼所部之境亦曰徼。徼。邊路也。臧宮少爲縣亭長。游徼。黃霸少爲陽夏游徼。

門候。周之門下士也。○周禮司門。干寶注。如今城門校尉。每門下士二人。如今門候。公車誰長之類。蔡儀覆盜門候。蕭望之小苑東門候。周秩官有門尹。關令尹喜是也。宋有門尹。鄭有北門之管。夜士注。如今都候。謂行夜徼候者。

輯濯船官也。○表水衡有輯令。劉屈氂傳太子矯制發輯濯士。注輯濯行船者。短曰輯。長曰濯。與楫櫂同。元后傳張周惟輯濯。越歌。地理志京兆尹船司空。注本主船之官。遂以名縣。

儼人倅也。○唐制大使副使皆有儼。苦念切人別奏。大使儼二十五人。河西節度崔希逸。襲破吐番于青海。會希逸儼人孫誨入奏事。說文新附曰儼。從人。類。扁曰侍從也。智按卽今之承蹛也。

古者副謂之倅。倅又通爲萃。又謂之造。杜預曰副倅。左傳曰翟泉人之女奔孟僖子。僖子使助遠氏之造。

後判沒。後司也。○周禮贊治注曰贊治。若今起文書艸也。疏起文書艸。乃後判沒。是贊治之法。今請人專管文移刑名。因號之曰後司。

尉氏。古獄官也。○漢志注陳留尉氏。應邵曰鄭之獄也。因以名其縣。

雞人。歌雞鳴者也。○蔡質漢儀曰。凡中官滿夜盡。鼓鳴則起。鐘鳴則息。衛士甲乙微相傳。甲夜畢。傳乙夜。相傳盡五更。衛士傳言五更未明。一刻後雞鳴。衛士鍾丞郎趨殿上臺。候朱雀門外

守。傳雞鳴于宮中。雞鳴歌也。○禮雞人夜嘑旦。以詔百官。象其知時也。庭燎注王有雞人之官。王不正其官。而問夜早晚。巾車大祭祀。鳴鈴以應雞人。東坡志林曰。漢官儀汝南出長鳴雞。王洙曰。謂取能歌雞鳴之人也。晉太康地記曰。後漢固始公安細陽。陽陽。四縣衛士習雞鳴曲于闕下歌之。顏師古不攷本末。妄破此說。唐有絳幘雞人。舒元興御史臺中書院記。監察御史二人。大朝堂輒道。雞人報點。押百官由通乾觀象入宣政門。近制升殿。有雞人于東廊下。唱日出曉之歌。

有秩。鄉吏之名號也。○黃長睿論歐陽集古錄有疎脫處。如跋漢倉頡廟碑云。此碑有蓮勺。丘鄉有秩。池陽左鄉有秩。池陽集

丞有秩。皆不知是何名號。余按前漢書張敞。以鄉有秩。補太守。卒史。後漢百官志。鄉置有秩。三老游徼。本注曰。有秩。郡所署秩百石。掌一鄉人。又注引漢官儀。載戶五千。則置有秩。風俗通有秩。則田間大夫。智按禮記緇衣注。綸。今有秩。嗇夫所佩也。疏引漢百官公卿表。十亭一鄉。鄉有三老。有秩。嗇夫。

枝官。校官也。○趙彥衛曰。溧陽有東漢潘長史枝官碑。或疑其為校官字。按後漢書永平十季。南巡狩祠章陵。日北至。又祠舊宅。召校官子弟。作雅奏鹿鳴。帝自御墳。筮和之。則東漢鄉縣有校官矣。

導官。掌導擇米麥者。唐作導官。○漢導官屬大司農。張湯治宅。獄導官。谷永請省導官費用。唐史作導。張文林曰。相如封禪書。導一莖六穗于庖。注云。導。擇也。說文。導。瑞禾也。引封禪書。導一莖六穗。誤矣。反改漢導官為導官。詳見穀蔬類。

里士鄉士。即古之鄉三老也。○顧隣初曰。洪武十九季。詔賜耆老粟帛。京師應天府鳳陽府。民年七十以上。天下民。年八十以上。賜爵里士。應天鳳陽民。八十以上。天下民。九十以上。賜爵鄉士。與縣官平禮。並免襍役。冠帶服色。別議頒行。正官歲一存問。此爵似即今之壽官。而人多不知其名。即漢之三老公乘爵級也。智按管子有士舍。士謂里尉。每里置舍。使士居焉。則有職掌。

與近日之里士鄉士不同。殆二十等之公士。上造。簪裹。不夏乎。

通雅卷之二十五

桐山方以智密之輯著

同里姚文燮經三較訂

官制 古職 兵制附

黃帝命大將。夏始有本兵。○獨孤及八陣圖記云。黃帝法文昌以命將。李靖曰。黃帝始大丘井之法。虛其中大將居之。丘氏曰。唐虞時兵政兼于刑官。未有專司。至仲康始命胤侯掌六師。是本兵之官。始于夏也。古禮樂為二官。而兵刑為一。後則禮樂為一。而兵刑為二。古詳于化。而後詳于政也。

祈父司馬也。○襄十六季穆叔賤圻父注。周司馬掌封畿之兵。

甲。詩注亦曰司馬。疏曰通作畿字。古字通用。尚書作祈。司馬掌祿士。故司士之官屬焉。是爵祿黜陟。由司馬也。其屬又有司士之官。主勇力之士。故爪牙屬司馬也。司右掌群右之政令。謂戎右。齊右道右也。齊右兼王路之右。戎右兼田路之右。

將軍始于周。而秦漢以後。文武通爲之。在國則爲卿大夫長正。在軍則爲將軍司馬。率伍。古也。○表將軍周末官。左傳閻沒謂魏子爲將軍。國語鄭使詹伯爲將軍。吳有將軍司馬。秦因之。伏上卿。漢不常置。或有左右前後。其職爲太尉。省太尉則置大將軍。驃騎將軍。伏次丞相。武帝以衛青大將軍。伏在諸公上。或置大司馬。或大將軍兼大司馬。如三公。後志比公者四。第一大將軍。次驃騎。次車騎。次衛將軍。太平王蒼以驃騎伏公上。則以其王也。四征興于漢代。四安起于魏初。四鎮通于柔遠。四平大于喪亂。晉之刺史郡守。皆有將軍銜領。晉武帝甚重兵官。故兵校多選朝廷清選之士居之。

後之都督元帥都統總管節度團練防禦。皆漢之將軍也。○督軍之名起于漢。都督之名起于魏。建武八年。張宗以謁者督諸郡軍。平青冀盜。永初元年。季召龐參拜謁者。使西督三輔諸軍屯。高彪傳第五永爲督軍御史。順帝末。以馮緄持節督揚州諸郡軍事。建康元年。季拜滕撫中郎將。督揚徐二州。延熹四年。皇甫規爲中郎持節兼關西兵。明季。免督軍御史張稟。九季。張奐爲

護邊疆中郎將。九卿秩。督幽并涼三州。及度遼烏桓二營。于文
定但引質帝時。已爲漏矣。魏有上大將軍都督司馬懿征蜀。加
號大都督。唐分諸道各置都督府。則都督正漢之將軍也。唐又
有天下兵馬元帥。副元帥。晉太元間。置河西大都督。廣因黃巢
亂。置諸道行營都統。宋之諸軍都統制。自渡江前已有之。然未
爲官稱。建炎元年。置御營司。遂擢王襄愍淵爲都統制。名官自
此始。此正唐之元帥。而唐嘗以儲佐領之。猶宋以儲佐領京牧
也。漢加大將軍。亦都統也。宋有馬步軍副都總管。遇出征。則加
以都統制之名。又有統制統領。唐在本道曰大都督。征討曰大
總管。宋諸州亦有總管總之。符節一方。則謂之節度。團練防禦。
因兵以名。亦漢之將軍也。古又甚并用。郡守即稱州將。加官有
大小。不外于爲將之意。宋之都指揮。亦將軍也。石林燕語云。自
梁置在京馬步軍都指揮使。後唐改爲侍衛親軍。周世宗更名
殿前司。宋因而爲三衛。率以老臣充之。今仍存其名于各衛。而
領兵則曰總兵官。亦專以老臣充之。而將軍遂爲掛印之號。及
甚職之勳階矣。今之勳將。古之戎右也。或稱戎副。或曰偏師。或
曰軍倅。今之參將。本參戎之意也。古有遊擊。今稱遊佐擊。古有
準備。今稱守備。皆偏裨也。

五軍始于五營。五府因于五督。○漢北軍有五營。文帝置中壘。
後漢省之。但置中候。續志曰北軍中候一人。掌監五營。卽五校

也。魏晉逮江左。皆置五校。智按齊內政。楚荆尸。卽有中前後左右五營。漢以後因之耳。晉有左右前後四將軍。已爲二衛三部。已又置虎賁羽林上騎異力四部。并命中爲五督。此今日五軍都督府之所自也。唐之三衛。漢之郎衛也。唐五府三衛志曰。親衛之府一。曰親府。勳衛之府二。曰勳一府。曰勳二府。翊衛之府二。曰翊一府。曰翊二府。以資蔭補之。朝會之儀。三衛番上。分爲五仗。號衛內五衛。又有十率府。自晉有中衛率。隋分置十府。唐因之。皆以備天子東宮宿衛也。武德七季。改親衛驃騎將軍爲中郎將。勳衛車騎將軍爲郎將。此正漢以郎執戟宿衛之意也。三衛非權勢子弟。徹退番後。三衛益賤。人罕趨之。太和五季。停資蔭。近代之五府。亦以世襲之侯伯克之。五府但管京城之衛。禁兵。乃在京營戎政。而宿衛大仗。則屬于錦衣衛。大漢將軍。以一駙馬領之。紅盔明甲將軍。以一勳臣領之。此正似唐千牛衛所掌耳。

戶衛。戶將也。○表郎中令屬官。郎中有車戶驃三將。如淳曰。主車曰車郎。主戶衛曰戶郎。楊惲傳。戶將尊。師古曰。官名。功臣表。郭蒙以戶衛起。薛蟲達無害。皆以戶將。王嘉坐戶殿門。失闌免。注守殿門。前五。行志。門衛戶者。蓋寬饒行郎中戶將事。

廐將。主閑廐也。重將。主輜重也。林將。猶言羽林也。城將。築城之兵也。弩則有弩將。射則有樓煩將。騎則有郎騎將。慎將。言謹慎。

也。特將言勇特也。粟客治粟也。軍匠軍工也。駢隣竝兩騎爲軍翼也。說衛衛軍行之止舍也。掌軍門則有門尉。掌旗幟則有職志。掌蔽遮則有塞路。執矛執盾各有其職。牛司馬騎司馬各効其用。長隊將。二隊將。三隊將。各因其材。而游擊將軍以游擊爲事。長鈺都尉以長鈺爲事。此皆漢初軍制官名。○功臣表。右司馬齊受以家車吏。許益以駢隣從起昌邑。以說衛入漢。說衛猶稅衛也。周昌以職志擊秦。陽城延以軍匠。韓信爲粟客。當是粟客。周竈爲長鈺都尉。張良以廐將。陳豨以特將。爲游擊將軍。郭蒙爲城將。宣虎爲重將。室中同。秦同。爲弩將。耐跣爲門尉。陳涓蟲逢以二隊將。戎賜以三隊將。亞將爰類以慎將。許惲用趙右林將。丁復爲樓煩將。高邑爲一隊將。郭亭爲塞路。文紀曰塞疏。洪邁曰史記皆無此官名。

唐之于牛衛。宋之奉宸隊。街仗猶今之錦衣衛也。○今稱錦衣衛爲執金吾。此似而非也。秦中尉掌徼循。漢改爲執金吾。劔九卿。復掌京師盜賊。考按從事。後漢掌宮外戒司。非掌水火之事。而衛尉巡宮中。與金吾相表裡。唐神策稱中尉。則中官矣。錦衣衛考云。本秦漢之郎中令也。郎中令掌宮門戶。漢名光祿勳。期門羽林屬焉。而衛尉實掌宮門衛屯兵。則錦衣亦似衛尉。論職爲都指揮使。則有似乎宋之殿前司。今人稱校尉爲緹騎。則本于漢金吾之緹騎也。唐金吾同掌宮中京城巡警烽候道路水

草之宐。而千牛衛掌侍衛及侍御兵仗。以千牛備身。左右執弓。箭宿衛。以主仗司戎器。朝日領備身升殿。列侍。殆爲近之。宋有捧日隊。殿前諸班也。奉宸隊。殿前諸直也。奉宸卽唐千牛營二隊。稱親扈鹵簿。又皇城司掌入殿門圓號。入宮門方號。略似之。而皇城司在內。嘗以親王提舉。非其職也。其金吾街仗乎。淳化金吾四營。則魏丕新募。太子親選。如禁兵之制。祥符七季金吾引駕仗是也。明朝十二衛亦直宿衛。而錦衣所掌者。乃鹵簿儀仗旗手。所司乃旗纛金鼓。諸衛皆統軍卒。而錦衣衛獨領校尉力士。師周之虎賁旅賁也。本以待功臣之子孫。而今以內寺之戚。緝事之功。升焉。詔獄係之。別又異矣。漢執金吾屬有中司馬。寇庫令。式道候。應邵曰。吾禦也。師古曰。金吾鳥名。王辟不祥。崔豹古今注曰。金吾棒也。銅爲之。金塗兩末。禮小司寇大賓客。前王而辟。鄭司農曰。若今時執金吾。下至今尉奉引。楊雄執金吾箴曰。吾臣司金。敢告執璜。程大昌以爲金釦其末。呼曰封杖。又見一條。言漢志以爲馬。則鳥訛也。茶經謂椎曰木吾。可爲左證。互詳昆于條下。

羽林者。天有羽林星。羽林孤兒者。取從軍死事之子孫。養羽林官。教以五兵也。○師古曰。如羽之疾。如林之多。

嚴郎。羽林郎也。○掌宿衛侍從常選。以六郡良家補。蔡質漢儀曰。羽林郎百十八人。無常員。府次虎賁府。本武帝以優馬從獵。

通雅 卷之三十五 還宿殿陛下室中。故號巖郎。以繁露引爲宣帝誤。

飲飛。熊渠。取力士名也。○古之刺蛟者。見呂覽淮南。服虔曰。因以材力名官。師古曰。取古勇人以名官。如熊渠之類是也。唐武衛外府。熊渠番上者。分配之。馮奉世傳。發越騎。迹射。飲飛。毅者。羽林孤兒。表注。少府有飲飛。飲飛。本合弋。武帝改之。韓非子。衛弋。有左弋者。

期門。期。諸殿門也。○東方朔傳。微行始出。常用飲爵已。八九月中。與侍中常侍。武騎。及待詔隴西北地良家子。能騎射者。期諸殿門。故有期門之號。屬郎中令。平帝夏名虎賁郎。甘延壽試弁爲期門。上官桀爲羽林期門。師傳介子。傳有期門郎。遂成。

續志有虎賁中郎將。非虎賁。校尉也。○虎賁中郎將。屬光祿勳。平帝所改期門郎也。虎賁。校尉屬北軍。掌輕車後漢并射聲。國語。叔孫穆子曰。天子有虎賁。習武訓也。諸侯有旅賁。禦蓄害也。大夫有貳車。備承事也。士有倍乘。告奔走也。衛武公在輿。有旅賁之規。

蜀之散騎。非黃門之散騎也。○蜀志。諸葛亮上言。有賓叟。青羌。散騎。武騎。

漢別有衛將軍。非衛尉。亦非郎衛也。○文帝拜宋昌衛將軍。領南北。十一月。罷衛將軍。此在南北軍之外。三月。發中衛材官屬衛將軍。長安十四年。中尉周合爲衛將軍。軍渭北。宣帝拜張安

通雅 卷之三十三 世車騎將軍。數月罷車騎將軍。車屯兵。更爲衛將軍。兩宮衛尉。城門。北軍兵屬焉。

怯薛。元之宿衛也。○元志有四大怯薛。言分宿衛供奉爲四。北國亦有都赤入直。負骨朶于荷。

黃頭習流也。○枚乘上吳王書。遣羽林黃頭循江而下。注蘇林曰。羽林黃頭。習水戰者也。鄧通以濯船爲黃頭郎。注土勝水。其色黃。故敕船之郎皆著黃帽。史記。勿踐發。習流二千伐吳。言習水戰也。索隱。引流宥五刑。謂流放者使習戰。迂矣。

舟虞。掌舟官也。○國語。叔嚮退。召舟虞與司馬。注舟虞。掌舟。稱妮守捉也。○中山王馬傳。顯宗報曰。今五國各官騎百人。稱

妮前行。皆北軍游騎。唐初兵之戍邊者。大曰軍。小曰守捉。曰城。曰鎮。而總之者曰道。如東萊守捉。長樂守妮。志曰。守捉將千人。漢之言妮。正如唐之守捉。其音義相因。可無疑也。康傳。圭發土團。赴代州。至城北。妮隊不發。言妮整其隊而不行也。

路鈐。卽路將也。○宋實錄曰。陝西諸路四十二將。河北諸路三十七將。東西十三將。其曰路鈐。以爲兵馬鈐轄也。宋以朝官及諸司侯以上克。或一州或一路或兩三路。嘉祐詔內臣鈐轄都監者。逐路止置一員。但當官高資深者加都字。稱都鈐轄也。建炎三季。要郡守臣兼兵鈐轄。忒臣爲之副。改都監爲副鈐轄。紹興三季。守臣罷兼兵職。朝野雜記曰。忒臣爲路鈐。亦無尺籍伍

通加
符。每歲猶徃諸郡按閱。特存故事而已。

元之萬戶府。正今之都司也。○漢列郡有都尉。唐之軍城守捉。實散在各道。節度而下有防禦。防禦正宋之鈐轄都監也。元有行樞密院。洪武初改翼元帥府。又改行都督府。已定爲都指揮使。掌都司管衛所戎政。按元人旣平江南。于浙東一道置三萬戶府。高郵參州置兩萬戶府。揚州建康置七萬戶府。杭州行省置四萬戶府。其體貌責任。若今都閫之體。而權力倍之。洪武初衛所亦重。後遂凌夷。金紫低眉。奔走于使者之前矣。

軍正軍司馬也。○藝文志。軍正楊僕。紀奏兵錄。昭紀。軍正王平。擊益州。胡建守軍正丞。師古曰。南北軍各有正。正又置丞。衛青問其罪于正閔。注。張晏曰。正。軍正也。史記穰苴召軍正問。楊敞。鄭眾。梁颯。班勇。皆爲軍司馬。一曰。軍司空。王法之官。卽軍正也。孔穎達曰。上士得號行司馬。及在軍二十五人。長中士號兩司馬。五人。長下士號公司馬。以司馬主軍。軍事太嚴。雖卑亦同號也。

護軍之名起于秦。都護起于漢。○志。護軍都尉。秦官。因元符。四季屬大司馬。成綏和元。季居大司馬府。比司直。哀。夏各司寇。平夏名護軍。陳平爲護軍中尉。班固爲大將軍中護軍。韓安國爲護軍將軍。魏置護軍將軍。主選官。選。晉志。百官曰。魏以韓浩爲護軍。史。渙爲領軍。非漢官也。定安十季改中護軍。中領軍。用

蔣濟曹休。元帝省明帝太寧。後置領護各領營兵。江左以來。領軍不復別領營。護軍猶別有營也。都護之名始于鄭吉。蓋從萌輪臺渠黎。皆有田卒。置使者校尉領護。是時獨護南道。日逐王降。漢神爵三年。乃因使吉并護北道。遂名都護。治烏壘城。表言地節二年。誤也。唐大都護府。大都護一人。副大都護二人。副都護二人。宋開寶以丁璉為安南都護。以其奉貢也。建炎元年。置都統制。以王淵為之。其下分為五軍。紹興稱神武五軍。俄又改為行營五護軍。

候奄軍候也。○晉張老為元候。國語范獻子為候奄。注候奄。元候也。士富代張老也。襄十九公享晉卿于蒲圃。賜三命之服。軍尉司馬司空輿尉候奄。受一命之服。漢有軍候。又有假候。中興不置中壘。但置中候一人。周有候人。左傳使候出諸轅轅。候本送迎賓客之官。軍中候望之義也。

授鉞壇拜也。○唐渾瑊傳德宗巡狩山南。瑊以諸運衛谷口。帝臨軒授鉞。用漢拜韓信故事。終軍傳大將軍秉鉞抗旌。橋玄傳四府舉玄為度遼將軍。假黃鉞。吳陸遜假黃鉞。晉成加王導假黃鉞。謝安禦苻堅。特假黃鉞。

虎文。或服也。○後百官志。或官服曰虎文。袁紹傳被以虎文。注曰虎賁將。冠鷩冠。虎文單衣。襄邑歲獻織成虎文衣。唐百騎衣五色袍。乘六閑駁馬。虎皮韉。為游幸翊衛。

通雅 卷之二十三 十一 江山此莊車
挾經秉枹。挾兵書。秉枹鼓也。○吳語曰係馬舌。出火竈。陳士率百人以為徹行。百行行頭皆官師。擁鐸拱稽。逡肥胡。奉文犀之渠十行。一嬖大夫。建旗提鼓。挾經秉枹。十旌一將軍。載常建鼓。挾經秉枹。萬人以為方陳。肥胡幡也。稽。檠戟也。左傳之行首。即徹行也。

齋斧。齋戒受斧也。典故始於北魏。然實因附會齋斧之易說也。○魏志凡將出。必齋戒之。廟受斧。故名齋斧。本因資斧。或作齋斧。故沿大此名。陳琳檄孫權。要領不足以膏齊斧。毛修之傳。使齊斧停柯。又宋前廢帝。資鈇電斷是也。智按陸德明釋文。旅卦得其資斧。子夏及眾家。作齊斧。張軌云齊斧。蓋黃鈇斧也。張晏曰整齊也。應邵曰齊。利也。虞喜志林曰齊當作齋。齋戒入朝而受斧。下卦同。因此附會之說。北朝耳。食而大事制。遂為典故出處。天下可咲者。寧止此一端耶。

兵政

周之丘井。蓋本於黃帝也。○李靖問對曰黃帝始大丘井之法。其形井字。閒方九焉。五為陣法。四為閒地。此所謂數起于五也。虛其中。大將居之。環其四面。此所謂終于八也。風后握奇圖。不外是矣。一作握機。史記黃帝以師兵為營衛。正義曰環繞軍兵為營。以自衛。若轅門。即其遺像。周制五伍十聯。後世未有出此者也。○周禮五人為伍。十人為

聯。五家爲比。十家爲聯。四閭爲族。八閭爲聯。軍師旅卒兩伍。卽鄉州黨族閭比。遂縣都鄙里隣。易氏曰。總不出五人之伍。百人爲比。十人爲什。五十人爲屬。百人爲閭。周書大聚云。五戶爲伍。以首爲長。十夫爲什。以季爲長。管子內政亦伍其鄙。特以萬人爲軍。與司馬少異。此蘇軾所謂王用繁曲。而伯用簡直之說乎。其法五家爲比。有長。十家爲里。有司。四里爲連。有長。十里爲鄉。有良人焉。以爲軍令。五十人爲小戎。鄉有二千人爲旅。五鄉爲帥。故萬人爲一軍。三萬人以方行天下。五鄙者。五大夫各治一屬也。吳語王孫雉設法。百人爲行。十行一旌。十旌一將軍。引司馬法曰。十人之帥執鈴。百人帥執鐸。千人帥執鼓。萬人帥執大鼓。晉蒐被廬作三軍。襄十三季蒐綿上。新軍無帥。使其什吏率其卒。乘官屬以從下軍。正義曰。什吏。謂十人長也。則晉人爲軍。皆以什計之。亦管子之法也。魯三軍。闕宮頌僖公曰。公徒三萬。鄭玄曰。舉成數也。迂矣。按乘馬之法。甸六十四井。出戎馬四匹。兵車一乘。牛十二。甲士三人。卒七十二人。舊說此畿外邦國法。司馬法同方百里。萬井。三萬家。革車百乘。士千人。徒二千人。舊說此畿內采地法。李靖之言三甲。則指乘馬法矣。

開敦閭伯之元卒。卽齊之申驅貳廣啓肱大殿。楚之右轅。左追。葇蒨茅盧無中權後勁也。○周書或順解曰。五五二十五。曰元。

率。一率居前曰開猶啓也。一率居後曰敦猶殿也。左右一率曰間。四率成衛曰伯。一長三伯。一長曰左。一長曰右。三右一長曰正。三正一長曰卿。一長曰辟。君也。此謂諸侯三軍。襄十三季齊伐衛。有前鋒軍曰先驅。次前驅曰申驅。公副車曰貳廣。左翼曰啓。右翼曰肱。後軍曰大殿。宣十二季言荆尸陳法。在軍右者。挾轅爲戰備。在左者。追求草蓐爲宿備。慮無。如今有兵候踰伏。見騎賊舉絳幡。見步賊舉白幡。茅明也。或時以茅爲旌識。此分中前後左右。以大營陣也。

魚麗。鄭也。荆尸。楚也。句率。越也。皆伍法也。○桓五季鄭爲魚麗之陳。先偏後五。五承彌縫。注司馬法。車戰二十五乘爲偏。以車

居前。以伍次之。宣十二季荆尸。卽二廣也。廣有一率。率偏之兩。注十五乘爲一廣。古曠反。司馬法百人爲率。二十五人爲兩。車十五乘爲大偏。今廣十五乘。亦用舊偏法。復以二十五人爲承副。哀十七季。越子爲左右句率。注鈞伍相著。別爲左右屯。此皆用伍法也。有謂注說不一者。智按杜預以十五乘爲大偏。九乘爲小偏。尤大者有二十五乘之偏。魚麗尤大之偏也。二廣。大偏也。巫臣所舍之偏。小偏也。

伍。卽什伍也。○升菴引兵法會要。五人爲伍。有參聚。十人爲卞。有行列。卞。今作保。錫字從此。

材官騎士。猶六韜選法也。○太公六韜選車士騎士法。取率四

十以上。長七尺以上。名曰毳軍。毳騎之士。高紀注如淳曰。高不滿六尺二寸以下爲罷癯。漢儀注。民年二十三爲正。一歲爲衛士。一歲爲材官騎士。習射御騎馳戰陳。五十六乃免。韓詩說二十從役。三十受兵。班昭曰。古者十五受兵。六十還兵。光武紀注。高祖選能引關蹶張。材力武猛者。爲輕車騎士。材官樓船。以大秋肄講。光武罷復民伍。刑法志曰。踵秦置材官。補兵志曰。材官騎士。屬郡都尉。八月會都試。水處爲樓船。

火子。長火也。○府兵十人爲火。火有長火。曠騎之制。內弩手。擗六戶。白丁。宗丁。品子。孫壯。強者爲四籍。十人爲火。五火爲團。通典一人曰燭。二人曰比。三人曰參。比參曰伍。伍人爲烈。烈有頭。二烈爲火。大火子。五火爲隊。則曠騎之團也。府兵以三百人爲團。則大團也。漢鴻臚屬官有別火。倘亦主外國隨從之率長等乎。木蘭詩有火伴。今爲通稱。

曲制者。部曲幡幟金鼓之制也。官者百官之分。道者糧路也。主用者主軍費用也。○孫武子曰。法者曲制官道主用也。青藤路史引鷓冠子。作曲制官備主用。今孫武子作官道。

西京曰都肄。東京曰乘之。皆閱習也。○刑法志。成帝歲時講肄。習武備。通典十月都課試。蓋漢承秦制。十月幸長安水南門。會五營士爲八陣進退。高紀十一季注。材官騎士。常以八月太守都尉令長丞會都試。課殿最。水處則習樓船。漢王旦傳。將軍都

郎羽林。注張晏曰都試也。光祿挈命。諸當試者。不會都所免之。王莽傳董忠方講兵都肄。後志大秋斬牲之禮曰龜劉。一曰龜。腰。兵官皆肄。孫吳兵法六十四陳。名曰乘之。魏閱兵東郊。晉大閱于宣武觀。唐禮志以仲冬講武都外。其狩田曰圍田。宋大閱西郊。光武門外有西教場。太平興國築臺于千秋門外之楊林。曰講武臺。嘗閱諸軍都試。元及今日。皆曰下操。凡府縣皆有教場。

尺籍。兵簿也。○漢大尺籍五符。小宰聽政役以比居。聽師田以簡稽。注比居。謂伍籍也。簡稽士卒兵器簿書。程不識治軍簿。長史急李廣之莫府上簿。

羨卒。卒之副也。○采芑箋曰宣王承亂。羨卒盡起。羨謂冢之副丁。公劉詩其軍三單。箋曰大國三軍。以其餘卒爲羨。單者無羨卒。疏曰單而無副也。古者國有游倅。田有餘夫。軍有羨卒。所以副其正也。大司馬修閭氏與其國粥。疏曰謂國家粥養入正卒。且爲羨卒者。遂人疏曰天子六卿六遂。合有十二軍。而止言六軍。蓋六卿爲正。六遂爲副倅。至大國之三卿三遂。次二卿二遂。小一卿一遂。莫不皆然。但以王家迭用之。則常六軍耳。

周之七萃。漢之八校也。○春官車僕掌戎車。廣車闕車。萃車輕車之萃。凡師共革車。各以其萃。會同亦如之。萃猶副也。萃與倅通。穆天子傳曰七萃之士生捕虎。天子蓄之東虢。號曰虎牢。又

通雅 卷之三十三 漢書 漢書 漢書
曰賜七萃之士。注萃聚也。猶傳有七輿大夫。聚集有智力者。爲王爪牙也。王元長曲水序。七萃連鑣。虞羲詩雲屯七萃士。白樂天云周設七萃。漢列八屯。漢初爲五營五校。成帝增置八校尉。表有中壘屯騎步兵越騎長水游騎射聲虎賁。而游騎不常置。故刑法志曰。內增七校。外有樓船。建武改爲五營。其曰青巾。卽越騎也。靈帝西園八校尉。則上中下。典助佐軍左右凡八。而五校之稱。自魏晉建江左皆因之。

衛尉之八屯。非八校也。城門之八屯。又非衛尉之屯也。○西京賊衛尉八屯。植鍛垂版。注曰八校尉諸屯。皆衛尉掌之。此失之矣。校尉北軍。衛尉南軍。宮門四面。皆有公車。每門各有二司馬。凡八司馬。故曰八屯。元紀初元五季司馬。注師古說是也。城門八屯者。表城門校尉。掌城門屯兵。有司馬。有十二城門候。注師古曰。八屯各有司馬。王伯厚曰。衛尉自有八屯。與此不同。衛尉主宿衛。此主城門。環濟要畧曰。城門校尉。高帝置從緹騎百二十人。成帝始增屯兵。

漢選募之士曰勇敢。曰奔命。曰伉健。曰豪吏。曰應募。其罪徒曰謫民。惡少曰亡命。曰徒。曰犯刑。曰罪人。曰應募罪人。○成紀天漢中發勇敢士擊外國。昭始元初發健爲蜀郡犇命擊益州。注應邵曰。舊時郡國皆有材官騎士。以赴急難。今有急。常兵不足以討之。故選精勇聞命奔走者。李斐曰。平居發者二十至五十

通雅 卷之三十三 兵政 十一 漢山止飛車
爲甲卒。今十五至二十爲奔命。丙吉傳邊郡發奔命。宣本始中。
大發伉健習騎射者從軍。趙克國奏四月艸生發屬國游騎伉
健各千。倅馬什二就草。王温舒傳會宛軍發。詔召豪吏。宣神爵
元年。發弛刑徒及應募。伏飛射士。克國願罷騎兵。留弛刑應募
及私從者。其罪徒七科。卽弛刑之目。又按天漢四年。發天下七
科謫。愚謂卽罪徒七科。而張晏曰。吏有罪一。亡命二。贅壻三。賈
人四。故有市籍五。父母有市籍六。大父母有市籍七。想有據也。
又按吳起以棄城失守。欲除其醜者。聚爲一卒。曰軍之鍊銳。王
莽募天下囚徒以禦外國。名曰豬突。宣帝遣鄭吉將免刑田渠
黎以攻車師。光武發馬援將十二郡弛刑四萬。佐擊五溪蠻。吳

王儻罪人三千。先犯胡沈陳三國。勾踐死囚五百。屬劔前。行元
用拔都魯。叔牌攻安豐。則用此者不乏也。

曰蒸徒。曰崇卒。皆步兵也。○左傳有徒兵。荀吳崇卒。魯言公徒。
克國曰步兵九校。晁錯曰此步兵之地也。

等杖。兵樣也。○建隆初置刺員以處退兵。所汰之兵也。又蒐強
壯曰兵樣。其後更爲木挺。差以尺寸高下之制。謂之等杖。祥符
重定等杖爲五等。

唐之十二衛爲南衛。漢之南軍也。六軍爲北衛。漢之北軍也。宋
爲三衛。其實兩軍也。○漢宮城門內爲南軍。宮衛屯兵屬焉。衛
尉主之。京城門外爲北軍。京輔兵卒隸焉。中衛主之。唐兵志十

六衛會要。惟敘十二衛。而監門千牛附列。百官志曰。左右衛驍衛。或衛威衛領軍衛金吾衛監門衛千牛衛。各有左右。外爲折衝果毅府。李泌曰。府兵爲衛士。神策爲禁軍。唐初有元從禁軍。卽父子軍。以白渠腴田給之。太宗擇善射于北門長上從獵。曰百騎。又置北衙七營。號飛騎。高宗置左右羽林。或后改百騎曰千騎。睿宗改萬騎。玄宗平韋氏改龍武軍。以萬騎隸焉。至德二載。改曰神武天騎。制如羽林。總曰北衙六軍。又置衛衛射生手。曰供奉射生。此時以左右龍武左右神武左右神策號六軍也。德宗幸梁還。號奉天定難。總曰十軍。自此屬于內臣。號天子禁兵云。五代有私兵。而親軍之號。始于明宗。後又有殿前都指揮

使亦親軍也。殿前司始于周世宗。宋以此禪。遂不除。都檢點以殿前司與侍衛司。馬步軍爲三衙。其實兩司。而侍衛司都指揮使外。又分置馬步軍都指揮使。殿前司亦參馬步軍。總于都指揮使。天下之兵領于此矣。近代設錦衣等上十二衛。以衛宮禁。設畱守等四十八衛。以衛京城。亦南北軍也。永樂都蕩。增至七十二衛。而復有五軍營。三千營。神機營。于少保選三大營。爲十營團操。成化爲十二營。自此衛軍漸爲虛名。而錦衣止于儀仗護衛。三大營十二萬。無南北名。要以內官提督。而勛臣統之。添設戎政尚書佐之。一科一道巡視。竟曰北軍可也。天啓中。老父爲職方。見兵部呼應委亂。乃奏大本部標兵三千。而債帥皆恃

與援參遼逃將皆不行。職方且供臺省頤指。李邦華汰京營而戎政出矣。老父蒞以不封魏良卿伯。忤璫削籍。崇禎賜環。居火房。絕請託。止能依御覽冊推選爲公。而知將鼓礪。非一手足之任。樞在宥密。平素不講。惟有上容。毋動爲大耳。已已尚寶假歸。著全邊略記。列師中表。

漢之更代。唐之番上也。南北軍後有召募長從。猶府兵後變而曠騎也。○漢或增置八校。凡越騎皆屬中尉。而北軍始有召募之兵。又于光祿勳增羽林期門。而與衛尉同掌宮門。而南軍始有長從之兵。後乃遠調。已募外兵。募吏民。而更代之法寢弛。更代者一歲爲衛士。一歲爲材官騎士。蓋寬饒傳。衛卒願更留一

季。是郡國番上于南軍之制。黃霸爲京兆尹。發騎士詣北軍。是三輔番上于北軍之制。魏相傳。相守河南。河南戍卒都官者二千。遮大將軍言。願復留作一季。以贖太守罪。師古曰。來京師詣官府爲戍卒。若今衛士上番分守諸司是也。府兵始于西魏。大統中。周文帝與蘇綽之策。而備于隋。唐因之。凡發府兵。下符契。當宿衛有番上。兵部以遠近給番。自府兵壞。衛佐爲僮僕執役。詆訾者呼爲侍官。諺曰。將軍大曠騎。衛佐小郎官。張說置長從于南衙。開元十三季號曠騎。十六季改爲羽林騎。又百騎改十騎。改萬騎。亦名羽林。肅宗時有供奉射生官。代宗還京。有禁旅都。以神策爲號。奭朝恩領之。自此而方鎮橫于外。宦官以禁

軍橫于內矣。

魏五兵。晉六軍。五校則魏晉追江左。未之有改也。○五兵。卽中外騎別都也。後魏爲七。以中外分左右也。晉以領護左右衛。驍騎游擊爲六軍。或紀泰始元季。初置四護軍。以統城外諸軍。又置中軍將軍。以統宿衛七軍。六典注魏或爲丞相。有或衛營。太康十一季。王佐爲北軍中候領禁兵。則仍有南北軍之制也。五校。則屯騎步兵越騎長水射聲也。

廂軍起于唐。而宋之廂軍號及天下。禁軍稱自漢。而宋之禁軍亦徧天下。○唐本用李靖兵法。分左右廂。自變曠騎。遂謂禁兵。諸道變爲長征。謂之鎮兵。朱梁以鎮兵之制。用之京師。京師兵

有四廂。而諸軍兩廂。遂有廂軍之名。周世宗于方鎮寄招禁軍。別大營部。由是州郡始有禁軍。宋太祖作階級法。專治禁軍。而天下鎮兵。通謂之廂軍。元豐兵令。悉以雄節之類。升同禁軍。由是禁軍始徧天下。熙寧部分諸將。總隸禁旅。謂之將兵。宋法三司禁旅。就糧州郡。亦不常坐食于京師。自剋郡各置禁軍。于是嚴差出占破之令。而壯城作院。各置指揮。由是在京禁旅。無就糧者。而廂軍亦升禁軍。不復戍役矣。丁度兵錄。一曰禁兵。殿前馬部三司隸焉。二曰廂兵。諸州隸焉。三曰役兵。郡有司隸焉。四曰民兵。農之健而材者籍之。此四者盡矣。

蜀有叟兵。有壇丁。○董卓傳叟兵。蜀兵也。在呂布軍中。唐楊師

大數陳敬瑄罪。自言集本道壇丁十五萬人。路振九國志。孟知祥言蜀中諸郡有壇丁。

昭義步兵。山河子弟。雄邊子弟。唐之民兵也。○李抱真在澤路。以射賞罰。遂號昭義步兵。雄冠山東。呂元膺留守東郡。募撫山棚。曰山河子弟。李德裕節西川。三百戶取一人教之。曰雄邊子弟。大十一軍。

咸平保毅。景德弓箭手。康定宣毅。慶曆義勇保捷。治平潮循槍手。熙寧邕州峒丁。元豐保甲。建炎團結巡社。紹興荆鄂雙丁。槍杖子弟。乾道淮南神勁。皆宋之御兵也。○真宗咸平四季。命使陝西稅人戶。家出丁一。號曰保毅。置標槍。勿牌試之。遂置廣捷

兵。景德二季。知鎮戎軍曹瑋言。應募弓箭手者。請給以閒田。許之。仁宗慶曆。募關中民補振戎軍。以吳遵路議復民兵。簡河北強壯。刺手背爲義勇。又刺河東。又簡陝西弓手爲保捷。胡宿且請刺緣邊軍。司馬光爭之。是時弓箭社寨戶土丁弩手敢勇蕃兵。各因其方名之。通謂鄉兵。而保甲之制。則元豐以諸路義勇。改爲保甲也。西邊神捷。改名萬勝二十營。京東西淮浙江南荆湖。置宣毅軍。則康定慶曆已置矣。建炎從李綱募兵。詔諸軍團結。旋即罷之。以諸路民兵爲忠義巡社。英宗治平閒。廣東已置槍手。熙寧閒。廣西置峒丁。以防邊交趾。率以三等戶。五丁取一。以克團結。紹興三季。許中帥廣西調筒丁。靜江防拓。三十一季。

詔淮漢間取王戶之雙丁。十戶爲甲。五甲爲團。團有長。荆門守臣姚岳籍民兵。置槍杖。號壯子弟。張栻益修其法。孝宗乾道元年。漕臣馮忠嘉言。教閱保甲。湖北王炎言。荆南團結義勇。虞允文言。興元義士可用。令晁公武訪弓箭手舊法。得之瀘州。爲一書錄上。神勁軍。則淮南弩營也。眞州嘗置營寨。要之宋時大勢。業已失計。迄于敗亡。于民兵何責乎。陳傅良曰。國初州郡無禁兵。自騎射至牢城。名額二百餘。總爲本城而已。禁軍皆三司之率。分屯戛戍。今屯泊駐泊之名。而鈐轄都監監押之官。所部領也。三邊之兵。閒因事宐。升爲禁軍者。所謂四十四處禁軍是已。是爲就糧。自元昊叛而西北有保毅。王倫起而東南有宣毅。於是列郡稍置禁軍。至嘉祐中。置威果。凡二十五指揮。亦九大郡要害之處。熙寧按天下廂軍。籍五十萬人。而不知戰。于是教閱之法起。其後以廂軍團併爲額。今兩浙崇節。福廣保節之類。是已。教閱之兵。因別爲額。而隸之將下。今兩浙雄節。福建廣節之類。是已。方成法之行也。三司禁旅。轉徙于四方。而州郡廂軍。大抵以供百役。蓋勞之則易使。散之則易養。此藝祖神謀也。自州郡各有禁軍。三司之率不出。常坐食于京師。于是養兵始爲大患。蘇軾以宋遣禁兵戍天下爲非。是東魯王楨載河北鋤社與弓箭社同意。本周寓兵于農。所謂用其生力爲死力也。按今時之民兵。仍宋保甲。若各地所產。當時如直隸保定徐邳。箭手。河

南嵩盧涉及永寧登豐宜陽靈寶等縣之毛葫蘆礦夫角腦江
南大倉崇明嘉定沙兵四川白禪子浙金華義烏東陽鉅牌處
州坑軍杭嘉湖鹽徒湖廣槍弩鈎鏃閩漳環被籐牌江右長寧
大旗閩粵緣山赤腳少林伏牛五臺蓮花寺選皆係民兵之素
鍊籍之卽爲精良者

少從猶僉也客從以他客相從也私從私所募也義從所在以
義收合也○張騫傳少從進執猶言大使少使也舊說少季從
使非也丙倩初以客從入漢留盼以客吏初起趙克國願留淮
陽汝南步兵與吏士私從者私從亦客從客吏之類由戰國養
客以來士皆稱客李陵曰奇材劍客是也雷被願奮擊北部曰
私從李廣傳負私從者不與鄧訓傳章和二季爲校尉湟中皆
言待我恩信訓撫養其少季勇者數百人爲義從順帝詔趙冲
督河西兵勝兵分在湟中令居號義從鄭泰傳義從八種魏志
梁習傳承高幹後次發諸丁強以爲義從其言義作則助公家
之力役也

積射士材官騶發也○鮮卑傳元初五季發緣邊積射士六季
鄧遵發積射士追擊陽嘉四季發積射士度遼營謂積能善射
之士也晁錯所云材官騶發亦謂善射也騶矢之善者是與敢
同馬奉世傳發越騎迹射卽積射也晉咸寧中樊震爲積射將
軍西城牙門

場壁。屯守也。○元初元季。遣兵屯河內。通俗衝要。皆作場壁。董卓郿塢。陽嘉元季。緣海各屯兵。而扶風漢陽三百塢。魏郡恒山六百十六塢。晉永嘉亂後。以塢自守。皆曰塢主。魏浚屯洛北石梁塢。魏該聚眾據一泉塢。祖逖破蓬陂塢。王陳川是也。吳玠在陝。因家計砦。連七十砦。卽是塢壁。

北府兵。京口兵也。君子營。義興人也。吳中子弟。荆楚劍客。宣潤弩手。皆東南兵也。○劉牢之領精銳。號北府兵。東晉謂京口兵可用。劉超爲義興守。拜中書侍郎。其人多義。隨超。因以宿衛號君子營。以越有君子六千人也。漢高祖用閩越兵。孝景用東甌兵。成帝用會稽兵。光武用江夏兵。周瑜勝赤壁。謝玄勝淝水。虞潭以東方兵。共平僭亂。劉裕平南。蕤入長安。陳霸先以韶州兵。平侯景。皆未嘗募之西北也。漢置都尉九十。而九江臨淮會稽丹陽豫章。財各一尉。唐府兵六百三十餘所。江淮兩道。不過八九。蓋近都爲多耳。北善騎。南善步。斫營伎。從來稱之。亦在乎用兵者耳。

背嵬。大將親軍之稱也。○雲麓漫抄言。北人呼酒瓶爲嵬。大將令人負之。大昌引章氏摘簡贅筆曰。背嵬卽圓牌也。朱漆金花。予見都統郭綱。乃韓蘄王背嵬也。讀嵬平聲。沈括詩曰。銀裝背嵬打回回。則爲去聲。王應麟曰。宋時大將。別置一軍曰背嵬。莫是以嵬爲嵬而訛邪。乾道九年。趙撝以所領五軍騎步。各一千

人爲親蒐選鋒軍。詔可。唐藩鎮有牙兵。有銀都。皆親兵。王智興徐州置銀刀都。王式除之。楊行密有黑雲都。蜀崔安潛與忠成。有黃頭軍。吳曾曰樂彥禎親兵謂之子將。

分團之名。起于西魏。而後因之。○西魏二十四軍。分團統領。隨征遼東。步卒八十隊。分爲四團。唐有將軍分統四府。府有郎將副郎將坊主團主。以相統治。府兵之制。士以三百人爲團。團有校尉。唐六典言關內團結兵。建炎以李綱議。詔諸軍團結。以五人爲伍。五之以至甲隊爲部。一千二百五十人爲軍。其後以廂軍團併爲額。向日京營分十二團營。後爲三大營。下操曰團操。其曰團練團結。皆鄉兵也。

常選用常所選也。○衛青傳所將常選。

長上。長直不番上也。○苻堅下詔長上將士。長上者。長上宿衛將士也。貞元置十六衛上將軍。左右衛以下。皆有長史錄事。倉曹兵曹騎曹胄曹司階中候司戈執戟長上。又百騎亦曰北門長上。智按長上不獨將士之名也。咸平二季按故事。開元置侍讀。後有侍講。因以楊徽之等爲侍讀。邢昺爲侍講。設直廬于秘閣。侍讀更直。侍講長上。八月徽之等赴職。賜宴秘閣。兩制皆預。上作七言詩賜之。崔令欽教坊記以每日長在至尊左右曰長入。亦此意也。直日之名。自漢有之。文王世子御者。注如今小史直日矣。

白直隊直也。○劉裕遣白直隊主丁旡渡北岸。豎白旆。南齊曹
 或與戴僧靜各領白直三百人。江左諸王有白直夾轂隊。宋杜
 鎬言唐給百官厚。加以白直執刀防閣掌故之類。悉許私用役
 使。白直言白身上直也。凡言直者皆為隊直。宋太平二季改簇
 御馬為簇御龍直。骨錄子直曰御龍骨錄子直。軍頭引見司有
 馬步兩直。禁衛有軍頭。藩鎮有廳頭。宋藝祖取太原兵以為龍
 衛。取幽州兵以為神威員僚。本藩鎮廳頭也。

白徒猶白身也。○管子乘馬篇白徒三十人奉車兩。猶府兵之
 取白丁也。唐宦官又有品官白身之名。魏召白民入五百粟贖
 其身。則可知白徒白身之稱矣。

游奕游闕也。○左傳楚潘黨率游闕四十乘。注游車補闕者。晉
 以來有游奕。紹興八季三衙馬軍每十將為五軍。九季改衙兵
 為游奕軍。乾道八季西兵為御前游奕軍。今之言握奇陣法者
 以後為游兵。即其意也。

快手健丁也。○黃回募江楚快手八百。隸劉劭。乃伉健勇敢之
 稱。今專為郡縣所督捕衙役之名。晉太康元季去州郡兵。大郡
 置戍吏百人。小郡五十人。此今日快手之自也。

角手軍中吹角者也。○唐兵志角手吹大角一通。猶今之稱吹
 手也。

排攢手短槍彭排也。○隋時有嶺南排鑱七亂反手。小稍也。余以

海雅 卷之二十三 三十一 河山止疾車
鑽卽鑣字。唐兵志以騎而射者爲越騎。其餘爲步兵。或騎排鑽
手步射。

馱幕法。言備什物也。○宋祁言唐兵每十爲五馱法。馬牛任從
所便。什物鍋幕皆具。乞檢求唐馱幕法。按唐兵志。府兵十人爲
火。備六馱馬。初置八馱。後改爲六。凡火具。烏布幕。鉄馬孟。布槽。
鍤。鑿。碓。筐。斧。鉗。鋸。皆一。甲牀二。鎌三。隊具。火鑽一。習馬繩二。
首羈足絆皆三。今人以邊裝弓箭撒袋等爲什物。蓋本於此。以
什長而備物也。

翹關負米。選飛騎之法也。○兵志貞觀十二季。置左右屯營于
玄或門。領以諸衛將軍號。飛騎其法取戶二等以上。長六尺。闊
止者。試弓馬四次。上翹關五。負米三十步者。翹關長丈七尺。徑
三寸半。凡十舉。後手持關。距出處無過一尺。膺云持關頭而翹
舉其末也。

射長塼。唐或舉之法也。○六典兵部員外郎掌貢舉。有二科。一
口平射。一曰或舉。其試用有七。曰射長塼。騎射。馬槍。步射。材貌。
言語。舉重。長安二季始置或舉制。有長塼馬射。步射。平射。筒射。
又有翹關負米。天寶元季。敕長塼。限以十箭。六載制或舉。謁太
公廟。每歲不過十人。郭子儀以或舉異等。補左衛長史。宋咸平
天聖治平。皆定或舉法。嘗于殿試策。熙寧二季。侍御劉孝孫請
或科分三場。凡或舉人射兩石弓。馬射九斗。謂之絕倫。雖程文

不合格。并賜及第。王卿月始以武舉鎖廳登進士第。江文虎淳熙八年。武舉第一人。十一季進士。授承事郎。後罷鎖廳之命。

限腰引弩。琵琶車軸。募弩力也。○馬隆為威太守。募限腰引弩三十六鈞。弓四鈞。立標簡試。自旦至日中。得三千五百人。宋

張舜民畫墁錄。言藝祖選琵琶腿車軸身。取多力。

隋之擊磬。唐之網鈴。皆羅圍狗附類也。○國語盟於宋。候遮扞

衛不行。注候。候望。遮。遮罔也。晝則候遮。夜則扞衛。扞衛謂羅圍

狗附也。去壘五十步而陳。周軍之前後左右。黃弩注矢以誰何。

謂之羅圍。又二十人為曹輩。去壘三百步。畜犬其中。或視前後。

或視左右。謂之狗附。皆昏設明罷。候遮日居狗附處。以視聽候

望。明設昏罷。隋設六合版城。次內布鐵菱角。次內施螿韃。中

施拏牀。牀枕插鋼錐。皆長五寸。謂之蝦鬚。其外又以矧。周圍一

鈴一柱。施槌磬連繒。名為擊磬。扞禦可謂精密。唐禦突厥。有網

設鈴。以犬護之。皆羅圍狗附之法也。

通雅卷之二十五終

通雅卷之二十六

桐山方以智密之輯著

同里姚文燮經三較訂

事制

名數。戶版也。○周禮天官小宰聽閭里以版圖。春官天府祭天

之司民司祿。獻民數。穀數則受而藏之。司民軒轅角也。司祿文昌第六星也。秋官

小司寇。大比登民數。周語宣王料民太原。仲山甫曰。王治農于

籍。搜于農隙。耨獲亦于籍。獮于既蒸。狩于畢時。是皆習民數者

也。漢高紀五。平詔相聚。係山澤。不書名數。石慶傳。元封四。平。關

東流民。無名數者。四十萬。師古曰。若今戶籍。孔霸傳。子福。還名

數于魯。司會疏云。漢之戶籍。皆以版書之。宮伯注。鄭司農云。今時鄉戶籍。謂之戶版。

廢負。逋賊也。○吳志。部界無廢負。唐元載。以江淮猶有資產。籍舉八季違負。正今時所云未完也。樊儵傳。典負者坐死。蓋主典未完。經承之人。謂其侵渙。故坐之。

雁戶。流庸也。○漢書。流亡他土庸。作曰流庸。唐書。編民有雁戶。謂如雁來去無常也。

白著。白取也。○唐元載相時。郡縣白取民錢。曰白著。渤海高雲有白著歌。曰上元官吏務剝削。江淮之人多曰著。春明退朝錄云。一曰世謂酒酣為白著。

曰搜牢。曰打稽。曰淘擄。曰斟數。曰陸掠。皆鹵掠也。○後漢董阜傳。搜牢。蓋為鈔掠意。牢音去聲。南史。梁正德等四凶。謂之打稽。王建傳。謂之淘擄。廣韵。載斟數。他日郎斗切兵奪人物也。一曰鈔畧。史貨殖傳。秦破趙。阜氏見擄畧。高帝紀。毋得鹵掠。王莽傳。橫按五日。後漢書。應邵傳。陸掠殘害。京山引作陸畧。

牟利。猶謀利也。○漢書。富商大賈。無所牟大利。言如牟蟲食禾也。國策曰。下牟百姓。李廣利傳。以將吏侵牟之物。故者。眾景帝紀。渙奪侵牟。牟本牛鳴宮聲也。聲主同。故為伴等。因牟之狀。為頭牟。岑牟。兜鍪。通謀。通謨。則聲轉也。淮南。盧牟六合。此牟與模通。注言規模也。侵牟。則與蚌通。謂蚌賊之也。

漢奪侵牟。猶法獵也。○日考傳法獵農民。以官為威。以法為機。一曰漢奪。又用國奪。亦見漢書。退之用漢劫。

廢舉即廢居。今之屯積乘時逐利者也。○子貢好廢舉。尚書林遷有無化居。漢書曰廢居。又曰蹠財役貧。史記與錢通。今放印子錢也。石氏持錢訾次。如直除貸郡國。隋書謂之出舉興生。唐李泌知邊客皆舉質取利。舉質即質劑。以收稱貸之利也。魏志高柔傳。頗復舉人錢。不周禮注。若今時加貴取息。

黃冊。以黃小而名也。○近時黃冊。凡郊祀以賦籍。陳發畢收藏。著為成式。每歲總數。十季攢造黃冊。今其造冊所。在南京玄武湖中。唐制凡民始生為黃。四歲為小。故相沿號曰黃冊。東門行。

下為黃口。小兒廣韵簡籒音先。今人戶版籍也。

土斷。斷土著也。○晉以後流寓者多。遂為僑戶。後行法不便。乃一以土著音酌論之。名曰土斷。晉興寧二年。大閱戶口。土斷劉裕

表。庚戌土斷。咸康詔實王公以下至庶人。皆主土斷。白籍按江左之制。諸土著實戶用黃籍。僑戶土斷用白籍。若依史照注。以為白丁之籍。則王公豈白丁哉。

地著猶土著也。○萌食貨志曰。理民之道。地著為本。故必建步立晦。正其疆界。六尺為步。步百為晦。師古曰。地著謂安土也。管子地員。猶周官之士會土均也。提封定墾。限民名田。正欲使安著樂業也。李忠守丹陽。流民著者五萬餘口。

貌閱閱季貌也。○隋文命貌閱。高頰請爲輸籍法。閱貌者閱季貌也。今謂之季貌冊。

荒閱。大閱也。○國語文王之法曰。有亾荒閱。注荒猶大也。後以大閱爲演戎之名。

蔭戶。猶隱戶也。○蕤貴戚民爲蔭戶。唐謂之匿戶。如今之隱戶也。庾永隱實。實其隱也。

利隱規影。如今之影射也。○宇文融言利隱詭脫。唐志又云。規影徭賊。如今影射。亦曰飛寄。其言給隱官息錢。即欺隱乾沒也。空最言空有覆田括戶之計最也。○唐玄宗時覆田使張空最務多其獲。而流客頗脫不止。如今報屯田開清增數也。徒有空

名。便稱簿最。

訂出猶料出也。○通鑑訂出雉頭鶴髦白鷺縷。齊梁之間謂賊民爲訂。說文訂平議也。迥徑二韵皆收。庾永隱實戶口料出無名萬餘人。以克軍實。料出言檢料出也。隱實者猶商鞅隱覈也。使駮急遞也。○筆談曰。驛傳舊有馬步急遞三等。急遞最遞日行四百里。即劉屈氂傳乘疾置也。世說曰。唐玄宗思嘉陵江山水假吳道玄驛遞。令往寫貌。熙寧中又有金字牌。急角遞如古羽檄也。唐郭處璠兼安西。請自募關中兵。皆給遞馱。按古但作代字。代本徒耐切。又特計切。迭夏也。即遞字。周禮注過所文書。即今舖遞也。俗作遞。金章宗泰和六年。初設都控遞舖官。元制

轉送十舖一郵長有漆絹革帶縣鈴手槍襪襖賁文以行元又立水站遞舊唐書吐蕃傳舉兵以金箭為契有急驛人加銀鶻愚又按楊升菴引元樂府玉兔鶻為證雲南插雞毛火炭亦古羽書之遺也周禮遞令謂驛馬軍書急聞者劉晏傳初州取富人主郵遞謂之捉驛

齊有刀敕御刀者分日帖敕也○東昏親信左右御刀應敕等分日帖敕曰刀敕御刀捉御刀在左右者應敕在左右祇應敕命者

慮事錄事也慮囚錄囚也○雋不疑傳錄囚徒注曰省錄之知其情狀有冤滯與不今云慮囚本錄之去聲力具切遂訛為慮

囚北京人呼綠布為慮布菜豆為慮豆是可推也薦艾使封人慮事即錄事也書納于大麓孔傳作錄言舜大錄萬機之政也高似孫主大麓為山麓之說按孔叢子桓子新論皆言歷試之使大錄萬機之政故陰陽和風雨時應其說與注疏合孟奇謂大麓者為壇于國外會諸侯或云大麓必山麓治水隨山是也若風雨時應則九季洪水不為蓄邪

續食給驛食也○漢成紀元光元年徵吏民明當世習聖術者縣次續食令與計偕宣帝元康二年詔吏飾廚傳以稱譽過客廚續食傳傳舍也管寧傳文帝詔吏從茵蓐道上廚食李泌言復府兵約開地為永業田令州府給長牒續食宋元皆曰供頓

近日曰口糧曰供應。

豹直即儼直。○見聞錄。御史初入臺陪直。比五日。眾官皆出。此人獨留。故曰豹直。一作儼直。楊鉅翰林舊規。有儼宿例。即儼直也。李濟翁以豹直為豹霧之義。迂矣。立儼以別暴而借豹耳。黃朝英引職林曰。起居郎五直一儼。御史入者七直兩儼。襍入者一直三儼。徐渭作儼。

正牙下牙即衙。○牙即今所謂衙也。唐朝正牙視事。執政曰執事堂。亦曰南牙。或壘曰南牙宰相地。宇文化及帳中南面坐。人有白事者。不答。下牙方取啓狀注。猶古之朝退也。劉馮事始曰。後世官府早晚軍吏兩謁。亦謂之牙。號衙府。或曰衙晡。程大昌

曰。始于爪牙為義。或以象牙飾旗。智按建牙為旗。旗門因為牙門。晉傅咸疏郡縣多空按牙門。即謂衙門。滕輔。袁宏。顧愷之。陳子昂。皆有祭牙禡牙文。牙旗也。因牙門而謂之衙門。若謂以象飾旗。此則拘矣。通俗文。客堂曰序。漢書有序舍。孔平仲謂衙非牙字。則尚在夢中。

籤求。猶今之僉叙也。○馬仙理籤求應赴。史照曰。郵籤。按延壽南史故事。府州部論事。皆籤前直敘所論之事。後云謹籤。月日下。當時王府有典籤官。今吏書奉行。亦以紅籤裁帖。其旁以僂批沒。故外官坐穿堂。謂之籤押。

參懷猶參知也。○晉已後預機務。相參酌。曰參懷。如宋之參知。

即入衙矣。劉宋紀有參懷素門平進。

轉帖猶今之知會也。○唐或后甲申轉帖百官。令拜表。百官但赴拜。不知何事。蓋若今之都吏送知會。部堂堂帖。使司官知之。注色注其履歷也。○隋虞世基納賄。多者超越。無者注色而已。宋時未參選者具腳色狀。謂之根腳。邇來下司初見上司。猶遞手本。上開出身履歷。曰腳色是也。

曰旬休曰下沐。曰請急。皆假也。枵急請急跨月也。○初學記漢律。吏五日得一下沐。郝超請急省其父。急假者五日一急。一歲以六十日為限。晉令急假者一月五急。釋名曰急及也。古休假名。王尼傳護軍與尼長假。顧琛傳假裝至假去聲。宋敏求退朝

錄有連假之名。永叔題跋嘗言旬休。或休假書。古作忍。隸作急。或作急。史記周宣王告急于晉。傳咸相諭。艸曰黃紙故事。鋪不上門。枵急。范甯啓枵眾官管改解故事。枵音枯。智按唐韻有枵字。元喜起居注曰請急跨月可以互證。

稟假猶今預支也。○黃門從官騶。蹋蹴陳蕃曰。死老魅。復能奪我稟假不。又續漢志諸將軍府有稟假。音彼錦反。假者預借于官也。彼錦之切。恐非當是餼稟之稟。

移病稱病移文也。○稱病者移文門籍。疏廣傳移病。呂強傳託病符融辭病。皆稱病也。天子曰不豫。諸侯曰負茲。移病為漢百官注籍之名。

予寧丁艱也。○漢哀紀博士弟子父母死予寧三年。後漢祝諷言光武絕告寧之典。陳忠爭之。翟方進後母終三十六日。起視事。薛宣駁其兄修。又按解嘲注。應邵曰。漢律以不爲親行三年。服不得選舉。乃知漢制時改也。

乞身乞骸骨也。○東漢李通傳。以病上書乞身。卽乞骸意。

予告。命也。賜告恩也。○高紀注孟康曰。漢律吏二千石有予告。有賜告。上郡太守馮奉世子野王。遂病滿三月。賜告與妻子歸杜陵就醫藥。大將軍鳳風御史中丞劾奏野王賜告養病而私自便持虎符出界歸家。奉詔不敬。杜欽奏記于鳳曰。竊見今日二千石告過長安謁。不分別予告。今有司以爲予告得歸。賜告

不得是一律兩科。失省刑之意。夫三最予告。令也。病滿三月。賜告詔恩也。令告則得詔恩。則不得。失輕重之差。又二千石病賜告得故。有故事得去郡。亡著令。傳曰。賞疑從予。所以廣恩勸功也。罰疑從去。所以慎刑闕難知也。今釋令與故事。而假不敬之法。甚違闕疑從去之意。卽以二千石守千里之地。任兵馬之重。不宜去郡。將以制刑爲後法者。則野王之罪。在末制令前也。鳳竟免野王。病賜告不得歸家。自此始。范公稱言。予告賜告皆非假。後人因告而復起官。故亦謂之假。去聲。

馳封。逸予也。○馳。以鼓切。移與也。說文曰。重次第物也。漢書民賣覆者。無所流馳。相如賦曰。馳丘陵。下平原。師古曰。延也。說文

又有賤字逸予也。蓋專以逸作移字用。孫恂彼義切。韻會引。小顏曰。欲賣爵者。無有差坎。不得流行。故為差級。凡物一重為一馳。集韻或作終。又支韻。今士夫馳封。即本此。

投餽之餽。如撲滿而大也。人知趙廣漢為餽。餽餉。按王溫舒傳。言少季投餽。購告言姦。溫舒為中尉。當成帝時在廣漢前。又按餽从缶。說文曰。受錢器。后購切。即鄒長倩所謂撲滿。投其中不可出也。今漢書本皆誤作餽。音項。

八枳。言維藩也。○德枳。維大人。大人枳。維公。公枳。維卿。卿枳。維大夫。大夫枳。維士。國枳。維都。都枳。惟邑。邑枳。維家。見周書小開篇。言上下相維。通為藩蔽也。後漢馬衍賊曰。捷六枳而為籬。東

觀記。作八枳。小補引漢高紀。降枳道旁。枳可為籬也。

發鞞。推車也。○說文。反推車。今有所付。馮奉世傳。再三發鞞。注引淮南子。內郡鞞車而餉。音而隴。反。集韻作鞞。鞞。今按淮南覽冥訓。廝徒馬圉。鞞車奉饗。注鞞音拊。猶拊推也。呂氏春秋曰。樹相近而靡。或鞞之也。附拊皆从付聲。而鞞獨音冗。以會意取耶。如泛有捧音。是一例也。

請寄。請託也。○鮑宣奏賞人。反惑。請寄為姦。言關說也。關說見梁孝王世家。謂關隔其說也。後漢明帝紀。權門請記。即請託也。曹丘生數招權顧金錢。謂請託錢也。杜密多陳託守令。梁松數為私書請託郡縣免。南史裴松之為長沙郡丞。刺史王蘊之曰。

貧無還資。士有一禮之命者。我爲行之。曰豈以鴻都仰累清風。蓋謂說囑情分也。唐玄宗言嚴挺之請屬所由。

關策猶關說也。或曰交關。○梁孝王傳有關說。谷永傳無所關策。五行志捐身關策。石奮傳寧不關度于慶。鑑交關謗毀。後因以書約爲交關。徐勉與子言交關已定。或曰關署其事。

先游先爲之游揚道地也。○鄒陽書曰先談即先游也。張耳雅游言雅能游也。又言先容國語先導。亦謂先容道地也。導郤至使政。晉田延季傳光欲爲道地。酈食其傳莫爲我先。師古曰先紹介也。張湯傳不能爲地。灌夫傳嬰愧爲資。皆此意。

聲地。聲價門地也。○江績劾秦桓修免修聲地。今人每言品地。言品格地位也。後漢書袁本初坐作聲價。

大諾批荅也。○梁陳伯之爲江州刺史。不識書。得文牒辭訟。惟作大諾而已。齊江夏王鋒。高帝使作鳳尾諾。以玉麒麟賜之。唐紀曰。凡諸侯牋奏皆批曰諾。而草書若鳳尾形。宋明帝紀胡母輔專權語曰。禾絹閉眼諾。胡母大張索禾絹。謂帝也。此即文書後之押字也。自漢有之。宗資任范孟博歌曰。南陽宗資王畫諾。張緒曰。一生不解作諾。汾晉之間。尊者呼左右云咄。左右必諾。劉義叟曰。咄嗟而辨。當作咄諾而辨。此又不必矣。詳辨見釋詁條。江左詔書畫諾。唐時畫聞。即今之畫知也。李肇曰。堂帖押名曰花押。韋陟五朶雲體是也。歸田錄言學士院用押字咨報。

殿最一日殿郵。○直翁曰督郵。主諸縣罰負殿郵糾攝之。唐宋之對移。卽漢之換縣。今之調也。○薛宣傳奏粟邑令尹賞與潁陽令薛恭換縣。而皆大治。泊宅編云。今官不振職者。許郡將部使臣兩易之曰對移。余見唐已有此語。今則曰調繁調簡。未作謂末業也。○周禮幣餘注曰占賣國中之斥幣。皆未作。疏曰不入大府指斥出而賣之。故曰斥幣。重農爲本。故謂之平民。非農民則爲未作。子長所以歎末業也。

古今口數湖冊爲詳。○遯園曰。侯鯖錄。天下生齒之數。止據宋會要戶數言耳。今以後湖志載古今人口數。參諸史冊。禹九州口千三百五十五萬三千九百二十三。周成王時口千三百七

十萬四千九百二十三。漢自高祖訖于孝平口五千九百五十九萬四千九百七十八。東漢光武中元二季口二千一百萬七千八百二十。桓帝永壽三季口五千六百四十八萬六千八百五十六。晉平吳之後口千六百一十六萬三千八百六十三。隋大業二季口四千六百一萬九千九百五十六。唐天寶十四載口五千二百九十一萬九千三百九。宋治平三季口二千五百一十一萬六千九百八十。熙寧十季口三千八十萬七千二百一十一。紹聖元季口四千二百五十六萬六千一百四十三。元符三季口四千四百九十一萬四千九百九十一。大觀四季口四千六百七十三萬四千七百八十四。洪武中戶一千六十五萬二千七

百八十九。口六千五十四萬五千八百一十三。弘治十五年戶九百六十九萬一千五百四十八。口六千一百四十一萬六千三百七十五。嘉靖二十一年戶九百九十七萬二千二百一。口六千二百五十三萬一百九十五。萬曆六年戶一千六十二萬一千四百三十六。口六千六十九萬二千八百五十六。數較前代獨多然。今之隱漏者實夥。總之冊籍雖具。漫難憑據。會典稱休養既久。生齒漸繁。戶籍分合。及流移附屬。并脫漏不報者多。其數乃減于舊。此探本之論也。

改元不宜雷同。亦有避忌。○學古適用編曰。洪武初命政府改年號。不可同萌。而永樂天啓皆載正史者。何大臣之不學若此。智按梁王琳奉蕭氏改元天啓。方臘改元永樂。又按馬令南唐書。張遇賢爲中天八國王。改元永樂。丘天民會編季號一書。然芻見則未免漏矣。其所當避忌者。如桓玄號大亨。有識者以爲二月了。而玄之敗實在仲春。隋開皇初。梁主蕭琮改元廣運。江陵父老曰運之爲字軍走也。北周武帝改元宣政。蕭歸離合其字爲宇文亡日煬帝大業。識者曰離合爲大苦末也。陸文裕曰。正字以一止爲文。前代多諱之。如齊文宣太子般字正道。邢子取帝曰正一止也。吾兒其替乎。梁武陵王紀改元曰天正。人以爲一季而敗。按是永豐侯蕭搆言亂亡之事。或出偶然。考之帝王建元自漢成始兩漢無有以正紀季者。至魏齊王芳改元正始。高貴鄉

公改正元竟俱不祥。金煬王有正元正隆之號。金哀宗亡國之季亦曰正大。元順終于至正。豈盡偶然邪。後世臨文亦宜稍避。所謂宰相須用讀書人也。

田賦

轅田易田也。○晉語曰作轅田。即左傳之爰田也。左氏注曰。分公田之稅應入公者。爰之于所賞之眾。賈侍中曰。轅。易也。爲易田之法。服虔孔晁曰。賞眾以田。易其疆畔。漢志秦孝公用商君制轅田。開仟佰。張晏曰。周制三季一易。以同美惡。孟康曰。三季。爰土易居。古制也。鞅復爰田。上田不易。中一易。下再易。食貨志曰。歲耕種者爲不易上田。休一歲者爲一易。中田。休二歲者爲

再易下田。三歲更耕之。自爰其處。趙過爲搜粟都尉。能爲代田。一畝三畦。歲代處。故曰代田。古法也。后稷始畦。曰以二耜爲耨。廣尺深尺曰畦。仟佰卽阡陌。蔡澤曰。凌裂阡陌。阡陌乃井之舊。開者乃剗削。而非翊置也。

方田均田歸于定籍。則井田至今在也。○本周官均土之意。董仲舒言井田難率行。宜限民名田。師丹請于成帝。帝不行。哀帝時行之。王嘉傳詔書罷苑。而以賜董賢二千餘頃。均田之制從此墮壞。王莽有王田之議。區博諫止之。晉大康十季。有男子與七十畝之制。元魏孝文以李安世之言。均授而旋罷。隋均田。且給永業田。唐太宗定口分永業田。丁男十八以上。人一頃八十畝。

爲口分。二十畝爲永業。分寬鄉狹鄉。後漸做失。永徽報罷宇文融言戶版初隱。去籍詭脫。開元九季。括田。融請籍收匿戶羨田。爲覆田使。周世宗詔行元稹均田法。宋熙寧五季。修方田法。元豐罷之。崇寧復行。宣和又罷。端拱景德且講方田于邊。得其人故可行也。惟張橫渠確以爲井田可行。朱子曰。須大亂後。董日鑄曰。後儒以井田截若棋局泥矣。殷夏五十爲七十。周夏百畝必易井而界之不暴于商鞅乎。是所謂在籍不在田者也。孟子曰。其實皆什一也。方田而定之。萬曆江陵柄國行丈量法。卽方田也。竇儼曰。小畝步百。周之制也。中畝二百四十。漢之制也。大畝三百六十。齊之制也。今所用者。漢之中畝。唐突厥傳杜佑言商鞅佐秦以爲地利不盡。夏以二百四十步爲畝。是漢制。乃秦制也。宋郭諮傳。諮攝肥鄉令。以千步方田法。四出量括。遂得其數。收逋賦八十萬。沈括增折會方田法。歐陽修言。諮方田法簡而易行。詳見算數。潛草曰。周禮載師以宅田。士田賈田。任近郊之地。以官田牛田賞田牧田。任遠郊之地。以公邑之田。任甸地。以家邑之田。任稍地。以小都之田。任縣地。以大都之田。任疆地。凡此諸田。無非一夫百畝之內田也。顏淵郭外內六十畝。寧自耕邪。賈而私之。佃于農夫。若古無私田之人。則古無貧富之家矣。井田之中。全不礙富人之田。將謂奪富人以與貧民邪。聖賢之道。未有不合天地人而感宐者也。故曰。限田均田自難。民生

通雅 卷之三十一 一四 治山止瘠車
日繁。地闢已定。以井田之意而定公田。此易簡之王道也。世所
疑難。井者周公九章勾股方田之道。人不講矣。古豈無山谿險
隘之藪乎。周禮華離注云。瓜卵離絕也。孟子之截長補短。可推
論矣。今之佃。卽古之受也。後湖之奠鱗冊。非古意乎。公田之籍
一正。則官民易于守法奉公。而貪污不利于乾沒隱射。故皆欲
亂其籍也。

算事。算丁賊也。事役也。○漢高四年初爲算賊。如淳曰。漢儀注
民年十五以上至五十六出賊錢。人百二十爲一算。治庫兵車
馬。二年注。如淳曰。律年二十三傳之疇官。應劭曰。漢律人出一
算。惟賈人與奴婢倍算。賈捐之傳。孝文民賦四十。丁男三年不
事。賈山傳。高年九十者。一子不事。八十者。二算不事。景紀令年
二十始傳。後二年詔令訾算十以上。乃得官。朕甚愍之。訾算四
得官。服虔曰。訾萬錢也。應劭曰。十等。十萬也。賣人有財。不得爲
吏。廉士無訾。不得官。故減訾四算。或紀建元詔。八十復二算。九
十復甲卒。宣紀地節。詔流民還歸者。勿算事。言不出算賊及雜
徭役也。復甲卒者。不豫革車之賊。周禮大司徒注。若今瘞不可
事。不算卒。可事者半之也。卿大夫注。若今九十八十復羨卒也。
大宰注。賊口率出錢也。若今算泉。民或謂之賊幣餘。謂占賣國
中斥幣。皆末作當增賊者。若今賈人倍算矣。昭紀減天下口錢。
昭帝加元服。母收四年。五年口賦。漢儀注。民年七歲至十四。出

口錢或帝加口錢十三貢禹傳或帝征伐重賦于民產子三歲則出口錢故民生子輒殺芻令男七歲去齒乃出口錢季二十乃算建武詔口賦勿收責明帝詔囚詣五原朔方又復其口算亦曰收事三輔民就賤者且毋收事師古曰收謂租賦事役使過夏夏役也○如淳曰夏有三品有率夏踐夏過夏古者正卒無常迭爲之一月一夏是卒夏也貧者欲得顧夏錢次直者出錢顧之月二千是踐夏也天下人皆直戍邊三日亦名爲夏律所謂繇戍也丞相子亦在調行者往不即還因假任一歲一夏諸不行者出錢三百入官官以給戍者是過夏也食貨志曰月爲夏卒已復爲正此漢初因秦耳師古曰夏率謂給郡縣一月而夏正率謂給中都官者吳王濞率踐夏予平賈謂庸直也晉灼曰借人自代爲率者官爲出錢顧其時庸和帝時流民夏賊安帝除三季逋租過夏虞詡傳永平章和中州縣以走率錢給貨貧民走率伍伯之類今出資錢不役其身其言踐者人直一月猶踐履而去若顧人當隨時價謂之平賈漢錢貴不得定爲二千也若不直而入錢于官謂之夏賊其番上尉主之不役而收其直亦曰夏賊唐法歲役二旬不役者收其庸日三尺過夏者言三日之戍過之即夏猶夏率一月名踐夏非謂出錢入官乃名過夏索隱引姚氏言五月而休顏以爲三月居夏三日戍邊總九十三日此則不能考其是非矣曰復率者晁錯曰令民

有車騎馬一匹者。復率三人。除三夫不作甲率也。元平詔減外繇。外繇者。襍徭役也。功臣表。東茅侯劉到。坐事國人過員免。信成侯靳亭。祝阿侯高成。坐事國人過律免。皆文帝時。三國志作太初官。州郡皆義作。言于常役之外。供役助朝廷也。

鄉帳。鄉計簿也。○唐六典。一曰租。二曰調。三曰役。四曰襍徭。役即庸也。凡里有手實。歲終具民之季與地。闊狹為鄉帳。又有計帳。具來歲課役。以報度支。大曆元季。天下苗一畝。稅錢十五號青苗錢。又地頭錢。每畝二十。此即兩稅之意。德宗建中元季。楊炎始定兩稅法。當時議之。今天下用條編。何其便民也。宋手實青苗之名。亦因于唐。而當時沸議。以智論之。非常之原。黎民懼焉。如保甲。顧役制。藝諸法。何其便于近代乎。其弛錢禁而收青苗錢。此可嘆者。官與民為市。則末世吏胥之奸叢矣。通商惠工。而官增行其錢。益中邊中京。而屯足以養兵。則大道也。王者豈諱富哉。安石魚水之遇。而不達物情。大為可惜。

會計。會所上之計也。○史記禹會諸侯江南。計功。命曰會稽。會計也。周有司會。歲會。月要。日成。士會法曰。要會者。士師歲終。正要會定。計簿也。曰比。要者。要會其簿也。曰役。要者。役之章程。民徒數也。魯語曰。收摺而蒸。納要也。漢受計者。受郡國上計簿也。其上簿之使。即謂之計。成帝詔明世務。習聖術者。令與計偕。與計使偕來也。張蒼為計相。後更以列侯王計。嚴助上書。願奉三

事制

季計最。如淳曰。當使丞奉歲計。今助自欲入奉之。最凡要也。非
殿最也。匡衡佐三公。領計簿。光武紀。越嵩人任貴。自稱太守。遣
使奉計。後遂有奉計之稱。衛宏漢舊儀。朝會上計。律常以正月
旦受群臣朝賀。天下郡國奉計最。貢獻表。元狩二年。上谷太守
郝賢坐計謾免。晉張實送璽長安。遣王該帥步騎援。且送諸郎
貢計。言貢土物與計帳也。唐六典。一歲一造計帳。三年一造戶
籍。王彥威上占額圖。又上供軍圖。皆帳簿也。宋金耀門文書庫。
藏三司帳籍。元豐有六曹架閣。紹興五年。張絢言蘇轍常做景
德皇祐作元祐會計錄。未及上。今宜作紹興會計錄。乾道號爲
都籍。此卽急就章之所謂集課錄也。

職田。職分田也。○載師疏。大夫以上有采。有賞田及加田。又有
士田及圭田。左傳。楚子重請申呂爲賞田。魏惠王求吳起後。賞
田二十萬。漢昭賜蘇武公田二頃。晉王導有賜田。陳騫衛瓘皆
給廚田。隋開皇始給職田。以蘇孝慈言官司出舉與生。煩擾百
姓。請禁止。給地以營農。從之。開皇中。又給公廨田。唐通典曰。晉
公卿各有菜田及田騶。後魏孝文給刺史太守公田。唐食貨志。
言給祿頗減。隋制職分田。一品十二頃。減至九品二頃。諸州都
督都護親王府官。鎮戍關津岳瀆官。三衛中郎將。上府折衝都
尉等。皆有田。又有永業田。流內九品以上。口分田。終其身。六十
以上。私停乃收。又有公廨田。供公私之費。後以用度不足。京師

俸賜而已。諸司置公廨本錢以番官貿易取息。計員爲戶俸料。貞觀以職田給逃還貧戶。每畝給粟二斗。謂之地子。十五季置公廨本錢以諸司令史主之。號捉錢令史。褚遂良疏罷之。復給百官俸。十八季復給職田。光宅元季有納庫品于開元。收田與逃還貧民。十九季初置職田。頃畝簿永泰元季百官請納職田。克軍糧矣。建元復減百官料錢。李泌又增百官俸。會要曰李絳請抽一分職田收貯以備水旱公廨錢。自開元收之以稅錢克俸。楊綰傳故事舍人季父者爲閣老。其公廨雜料獨取五之四。綰悉均給之。漢兒寬傳注師古曰若今諸司公廨牛羊宋真宗興復職田。檢計杜鎬言晉制有芻蕘之田。又得蔭人爲衣食客。

及仙客。後魏宰人之官各給公田。刺史以下至縣令亦亦有六頃。職分田起于此矣。唐月俸之餘有食糧襍給。祿粟之外又有利息本錢。加以白直執刀防閣掌固之類。悉許私用役使。潛有所輸。五代廢職田。而本朝興之。故事無輸稅之文。上從之。天聖詔曰。吏給職田所以養廉節也。慶曆均公田。復限職田。紹興復職田。東南諸路收圭租。有過給者。智見茅鹿門評蘇文曰。老泉欲以職分籍沒之田作養兵之費。不知當時通天下有是田否。自是鹿門全未之考也。金元志官皆有職田。初亦增行省參政公田。洪武十季賜百官公田租。以後公田俱入官。止給俸祿。郡邑所在田皆起科。陸文裕曰。不聞有公田之名。乃未考也。邊方

大將有養廉地土。頗收其入。以代公費。其職田之遺乎。
爲官營田曰浮戶。○通典宇文融括隱田曰浮戶。十共作一坊。
官大間舍。謂之營田戶。弱侯曰。今浮戶爲官營田。曰營田戶。勿
以爲屯田戶也。

通雅卷之三十六終

